

# 山陰世稿 上



**[해제]**

산음세고 상은 “아곡유고 서, 산음세고 목록의 권지일, 권지이, 발“ 로 구성되었으며, 효자가(孝子歌)라는 가사를 포함한 고문서이다.

**[목차]**

山陰世稿 上

菘谷遺稿序

山陰世稿目錄

山陰世稿卷之一

不諼堂遺稿

菘谷遺稿

雜著

山陰世稿卷之二

菘谷遺稿 附錄

孝 효 자 자 가 가

跋

菘谷遺稿跋

[원문]

山陰世稿上

莪谷遺稿序

莪谷遺稿故孝子全公 禹昌所著也公自幼以孝聞余觀其當時士林薦狀鄉報營 啓及其祭文輓誄諸章則極稱其感天之誠孝出人之懿行而併不及文藝之華美非疎漏也蓋孝是百行之原爲仁之本也文藝其末也其本既立則其末雖不言而在其中矣以余觀其之所著詩若文雖甚寂寥然率皆質而不華雅而不俗無一字一句不本於孝悌之德而亦可得其性情之正矣文如是足矣又安用粉澤與濃郁也哉至於全務調膈則反失正味精思敲椎則却累眞姿噫末世文弊也已以約失之者鮮豈公之謂也歟竊其肅廟昇遐之日感懷之作哀痛惻怛之心藹然發於中而形於辭可以知其移孝爲忠之意也惜乎當時諸賢未有以此聞於九重使公之忠孝潛德終老韋布埋沒無傳豈不重可悲哉公之七世孫會鍾恐其愈久而愈失其眞收拾其遺稿附錄彙爲二冊屬余以弁文辭不獲謹書如右云爾

著雍執徐九月晦日錦城吳駿善謹序

山陰世稿目錄

卷之一 五言律詩

莪谷遺稿序 瑞峯寺修真率契

詩 自挽

五言絕句 七言絕句

肅宗大王昇遐後有感 登瑞石山

景宗大王國忌日有感 登瓮城

思友人 自吟 三 首

碧溪臺風浴 酬朴洪兩斯文韻

贈玉師 二 首 復用前韻

自吟 二 首 聞洛中烈女詩依其韻自呼

題明季錄後 望瑞石山

挽忍齋梁公 晉泰 挽朴公 台 龍

挽月溪鄭先生 弘 周 五言古詩

挽竹隱梁君 采之字君擇 二首 親患孔欲資金侯漢昌特賜

雪夜吟 珍需玉師又惠饌果眷恩

傷春 難忘用九韻以謝

次壽師韻 自吟

七言律詩 七言古詩

端午日有懷 萬歲春

次朴上舍壁上韻 虹

謹賡朴上舍 新克 書室韻 天津橋聞鶻

謹伏次 御製 山陰可愛

挽鄭公 鳳壽字瑞微 七斯篇

述懷漫錄 卷之二

書 附錄

上李候 錫仁書三 山亭聊句

上巡撫使書 謹述平日慕仰之私茲呈莪谷

上姜 必龜書 以求斤正濟州梁學謙參奉

序 盤石贈莪谷全孝子善卿 烏川鄭敏

全氏家乘 河號篇隱參奉

續集 輓章

演勤學歌賦 祭文

擬岳陽樓歌賦 年譜

雜著 行狀

千字文 墓碣銘

孝婦孺人張氏碑 跋

鄉儒上本倅書 十 孝子歌

昌平縣令書目 四

戶奴完文

鄉儒上巡相書 十三

社約廳書目

御駕 前上聞

呈營門狀草

華陽書院通文

光州鄉校通文

南原鄉校通文

羅州鄉校通文

山陰世稿卷之一

不諼堂遺稿

七言律詩

送友之京 見青邱風鴉

西風送客錦江濱數曲勞歌酒更遲驛路清霜楓樹色龍岩明月菊花枝

故人知是丹心切報國憐將白髮垂借問長安千里遠往來相訪更何時

附錄

定陵參奉不諼 堂府君家狀

府君諱景淵字伯深不諼堂號也我全自百濟歡城君諱聶始焉屢傳有

諱樂高麗左僕射封天安府院君諡 忠敏中祖也至諱昇密直司崇文館

學士門下侍中諡文忠是生諱信密直寶文閣提學諡文孝是爲栢軒先

生與李益齋齊賢李麗隱思之金文安良鑑爲道義交享道谷儉溪兩祠  
高祖諱新民號瑞隱官至兵部尙書麗運訖與杜門諸賢誓志曰伯夷何  
人我何人遂挈家南下瑞石山之山陰洞筮遯自靖曾祖諱仁德號无憫  
徵以丞旨不起定宗大王賜號清節祖諱世良禦侮將軍考諱康國禦  
侮將軍妣蔚山金氏某女府君生有異質純孝篤行色養盡誠怡愉著外  
人望之知其有深愛於其親也不懈學問或因事闕課則廢寢誦讀務悅  
親志門外盈車轍座無雜賓禦侮公戒曰持身謹慎出語謙恭毋失接應  
之道可也府君一遵無違親有不安節行禱山川雖深夜雷雨中不少休  
丁憂擗踊號哭三日絕水穀朝夕饋奠哭不絕口葬則課日展省雨雪不  
尼寢苦枕塊不啓齒以終三年柴毀骨立頭髮盡白府君之孝聞於鄉邦  
章甫屢籲道伯啓聞特除定陵參峯府君惶縮不自勝日盜竊虛名上欺  
天聰罪大難容呈狀懇辭墓昌平南面瑞陽洞後麓酉原齊務安丁氏進  
士夢說女葬用魯禮舉三男長倫仲侃季憫世業儒不仕孫時會時翼時

聖女歸玄紳朴增長房出仲房無育時立時變女歸進士鄭炤季房出曾  
玄以下不悉書嗚呼距府君之世星霜積變兵燹屢劫文獻蕩殘未免杞  
宋之無徵謹攷私傳文序府君之一律幸載於青邱風雅曰西風送客錦  
江濱數曲勞歌酒更遲驛路清霜楓樹色龍巖明月菊花枝故人知是丹  
心切報國憐將白髮垂借問長安千里遠往來相訪更何時嗚陽治之東  
有學求堂一鄉髦士肄業成就名儒多出若朴玄巖元卿梁支巖子淳梁  
稼軒千尋陳後山舜臣曹數竹弘立梁石溪千頃曹梧齋彥亨諸賢其尤  
者而或立朝有譽諤之風或在野爲隱德之士古語云見木而知山見府  
君之所與交則後之君子論其世而倘有以知府君所存之實矣古之論  
人徵信於畫工與醫言今國之風雅邑之堂案不猶愈於畫與醫耶尙有  
以發之不朽公何難之有伏惟下執事有以採擇而垂惠焉

歲乙巳朞月下澣十一代不肖孫會鍾謹撰

定陵參奉不諼堂全公墓碣銘 并序

麗祚訖義守罔僕者指不勝屈而若兵部尙書天安全公諱新民誓伯夷  
於同志而筮遯干昌平縣瑞石之山陰河結茅築亭堂曰瑞隱亭曰獨守  
我薇我採不受別世染塵而子无憫仁德亦不起於新朝之招父子獨守  
以萬世臣子之大防我定宗大王許其志賜號清節天章炳然民到  
于今稱之是公高曾而高以上上系詳於其大碑祖世良考康國皆禦侮  
將軍妣蔚山金氏某女公生而性孝養兼志體餘力學文而於持守之篤  
應接之謹一從父訓無敢違越親有瘠行禱山川不以雷雨尼之送終盡  
禮課日展省二憂塞皆然聲聞所及儒籲曹覆除定陵參奉公以爲無實  
而欺大惶縮乞免蓋謹慎處己類姐此亦見其獨守家風也烏不偉哉公  
諱景淵字伯深不諼其號而生卒年月譜失其傳墓在縣之南面瑞陽河  
後酉原配務安丁進士夢說其考葬用魯禮舉三男倫侃憫曰時會時翼

時聖玄紳朴增妻倫出侃無育時立時變鄭進士炤妻憫出餘不記公雅  
性不屑於榮利而專務爲己平日訓後警世之作宜多可傳而屢經喪亂  
只有風雅一首格調清越可一羽而知全鳳矣何必多乎哉公嘗肄業于  
縣之學求堂儕流多出聞人視其所親非此之謂歟公十一代孫會鍾奇  
鍾權翼將修石儀於公墓會鍾以其所述公狀示余要文顧非其人難孤  
從遂誼遂爲之銘銘曰

本立道生天褒炳然兮有斐我公終不可諼兮

歲柔兆敦牂夏四月上澣鶴城金載石謹撰

山陰世稿卷之一

莪谷遺稿

五言絕句

肅宗大王昇遐後有感

三百年社稷五十歲君王龍馭賓天日臣民痛恨長

景宗大王國忌日有感

聖駕今已遠蒼梧但雲霧無情是日回哭罷夕陽暮

思友人

雪月窓前白風炳枕上清夜來無限意總是故人情

碧溪臺風浴

青青巖下水瀟灑洗心身自得平生快終當日日新

贈王師 二首

催老憐今日逢春憶故人翩然飛錫杖同坐小溪濱

疎竹霜邊錄寒梅雪後香與君相別後見月不堪忘

自吟二首

瞻彼青山色風光日日新耕田巖下老何時見陽春

心通千古事身老一山中庭上明月夜徘徊臨澗風

題明季錄後

茅屋秋風早留心方策中忠亮義烈士使我淚涇濛

五言律詩

瑞峰寺修真率楔

花落寺逾靜鳥鳴山更幽禪僧歸細路騷客倚高樓正爾金紗會依然玉

局遊先賢修禊意敢忘間留

自挽

此洞一岡麓政吾身後宅願遂對先墓心欣俯故屋從來已丙水峯立東

南岳死生居是足地更何擇

七言絕句

登瑞石山

鳴絲吹竹陟高岡海外三山八遠望颯然兩腋清風起便欲披雲上帝鄉  
登瓮城

山作高城石作門將軍陣迹古壇存北望燕雲多慷慨欲傾東海洗乾坤  
自吟 二首

四十年來飽百艱從今閒臥竹林間是非已遠江山外太古乾坤一屋寒  
日暮山田罷鋤歸滿身秋月帶光輝世人若問吾心曲笑指巖頭碧澗飛  
至微至劣老林泉受 國恩來四十年感極于心終未報常呼萬歲暗祈  
天

酬朴斯文洪斯文洪斯文韻

湖山處處任開襟天地神明不愧臨萬事由來成一夢誰將卿牧肯關心  
復用前韻

今宵無計滌煩襟寂寞虛窓有月臨白首呻吟長臥起此生止處孰知心  
聞洛中烈女詩依其韻自呼

義重三從不有身栢舟詩後見斯人白荷明月庭邊咏盍取水心映萬春  
望瑞石山

碧峰何處老秦童飄緲空穿漢武瞳灼灼葱瓏雲日白飛仙來往影幢々  
挽忍齋梁公 晉泰

欲挽吾公未挽公暮岡殘雪又淒風先人地下如相見爲說山陰泣血中  
挽月溪鄭先生

才不聰明學不全樞衣門下盖多年未堪風樹長爲恨豈意先生又九泉  
挽竹隱梁君 采之字君擇 二首

夫君於我最情深曾自先親亦許心哭挽公行終未挽夕陽回首謾沾襟  
暮雲寒雨病愁深強綴哀詞瀉我心明朝獨守亭前路忍聽薤歌入故林  
雪夜吟

一面雲山潔淨地數錄茅屋碧溪潯老猿莫向柴門吠風雪何人此夜尋  
傷春

傷心春日不開簾白白紅紅淚自添最是東風寒食節杜鵑花落雨◆◆  
次壽師韻

別後相逢眼盡青多年鄙吝此時惺雲收雨霽山容淨終日清談澗畔亭  
七言律詩

瑞午日有懷

無心佳節到天中有意山陰白髮翁楚澤冤魂三閭子東方忠直大夫公  
人間難得知音友草屋誰憐老病儂預向烏山向陽處自營身後萬年宮  
次朴上舍壁上韻

生平不讓呂伊才早把芳蓮泮水臺半世已違兼濟也別區惟創小樓哉  
風前晚翠階邊竹月下新香雪後梅渭上今無非虎獵釣竿閒帶夕陽來  
謹廣朴上舍 新克 書室韻

故人不愧古人才早把書箱取次開濁世已違經濟志幽庄空老棟樑材  
半簾錄透蕭蕭竹一徑香浮澹澹梅又是鱖魚流水在桃花溪上着蓑來  
御製

紅得于黃黃得紅紅黃共得上林楓蕭蕭楚澤經霜葉淡淡靈均餐藥  
叢嫩似月階金錢滿飄如丹錦列幡幢乾坤造化誰能識楓菊秋光醉  
士工

謹伏次 御製

中正爲黃南面紅人君取此振英風禁園曾植楓于樹玉砌今生菊幾叢  
粟里金風香暗暗楚江銀月影幢々先王此賦清賞意感慨今朝起士  
工

挽鄭公 鳳壽字瑞徵

爲題哀挽慘雲邊筆路蒼茫淚欲先別恨茫々銀海月時魂香香玉京仙  
山亭無復論深契碧澗何由和短篇回首盤巖場築地白楊衰草暮雲邊  
挽朴公台龍

人皆德行服吾公器宇軒然長者風厚誼已深先子意眷情偏感後生衷  
莊蝴幾幻清儀接遼鶴翻驚片影空太乙陽林嗟未受爲題哀挽淚沾腫  
五言古詩

親患孔欲又乏救療之資金候漢昌特賜珍羞一盤賑錢二貫玉  
師又惠甘醬佐飯燈油乾柿等物俱宜於病裏攝養以至差效眷  
顧之恩難忘用九韻以謝

自愧微寒物便蒙貴重援官恩最多感僧惠不堪論絕味皆分外爲吾病  
親存維浮動春色蟠菊留雪痕適口皆平肺充腹補眞元甘紅和血氣香  
飲清心魂重惠連殘命深情不復言陳詞謝我帥深感明府恩但願南極  
星千年照衙門

自吟

春草年年錄王孫歸不歸人情無今古聞鵲淚沾衣永訣雙親後不能無  
所思聊將平生冤寓放古人詩

七言古詩

萬歲春

苟日新兮德日新日日新兮民日新又日新兮命日新嗚呼我東無不新  
無不新兮萬世春

虹

金風乍起退炎熱昨夜秋雨鳴梧桐非烟非霧是何物半青半紅掛碧空  
瞻之在前忽在後借問傍人名曰虹々兮虹兮眞奇恠乃知天地造化工  
初疑上帝無弦弓偶然飛落天之東又疑織女機中錦浣濯掛却斜陽中  
秋風拂拂易水上能便荊鄉心瞻確依稀芒碭瑞雲彩彷彿春陵佳氣葱  
如何化作龍泉一丈劍直渡鴨綠水盡斬北虜首以雪我先王舊日西  
行恥

天津橋聞鶻 依古體散韻

杜宇南方鳥宜向江南春如何北方來今啼洛水濱清霄咽々兩三聲喚  
起堯夫天下愁是時東都三月辰錄柳垂絲水如油天津橋上月正明先  
生杖履閑倘伴耳邊忽聞舊未聞打破清興心自驚元來飛鳥得氣先自  
南移北多乖整健常失律亂之幾此義吾得既未濟聞來不覺蹙兩眉宋  
朝時事吁可知爾乃昔日蜀天子流落他鄉死冤魂化作一羽虫夜叫恩  
歸山岳空蒼梧明月落花春楚江寒食烟雨中年年啼血々不盡花上千  
點班々紅誰家怨女腸欲斷巫峽哀猿聲相和如今啼罷北邙山飛下洛  
橋惡聲播啼時休道不如歸蚕魚宮闕是誰家逆理暗藏不測禍其若蒼  
生奈之何君不見鸚鵡來巢六鷁退飛夫子春秋特書之又不見邵子天  
津橋上感杜宇前聖後賢同一揆

山陰可愛

青山峩々綠水洋洋吾於其間自往自來青山峻峻綠水淺淺吾於其間  
自行自止

青山在後綠水在前朝上青山暮臨 錄水青山不動綠水無窮知我其誰  
青山綠水

七斯篇

愛於斯感於斯樂於斯哀於斯咏於斯歌於斯耕於斯

述懷漫錄

丙子之年時事堪涕曰余不肖年甫五歲丙子之歲家事零替伯父末期  
祖妣捐世

自北移南自壽芳移山陰寓舍荒涼事事艱苦生計漠然自北移南寓舍冷落艱  
辛事狀不可形言

儲粟已絕三日不食父母兄妹相對涕泣儲粟久乏四日不食父母娣妹  
臥而不起

春杵春杵西家之女尙不給債何可復貸春杵春杵東隣之婦有急有期  
一二寡氏

朝復朝兮採蕨採薇可療苦飢以救其死日復日兮採芻採藜哀我母氏  
顏色黃黑

恍然覺之空腹已飽家君手携粥器撫背垂泣曰汝幾已矣李生半升米  
豈啻千金惚然悟之空腹大飽母氏手提粥匕撫頂垂淚日若翁之歸若  
遲一刻汝其已矣林氏半升米奚啻萬金

戊寅秋七月懷干山陰先隴之側可以居之戊寅秋八月宅于山陰先隴  
舊基可以居之

十月孟冬官糶催促門外有吏日來徵租至月仲冬官糶急促外門有吏  
日來徵米

北風慘慘冰雪如山家君方在牢我獄懷岡涯岡極北風栗栗冰雪如天  
家君方在冷獄我心欲摧欲裂

彼日在東今我在西嗟我家君昨行于官其有何事尚今不來彼日在西  
今又出東嗟我家君昨往干官其有何故至今不歸

彼哉人兮何不卽傳刑門三日誰饋一飯哀吾未長伊親有飢天乎天乎  
胡至此極彼哉人兮何不速言刑門三日誰進一勺哀吾未長伊親有渴  
天乎天乎欲訴無階

鷄初鳴矣夜向晨兮哀我柿氏速進箕箒半黍半粟且舂且炊吾將促彼  
覲我家尊鷄三唱矣夜將曙兮于飯于簞于醬于壺吾將促彼進我家君  
嗚呼使君民之父母速我于獄捨我老父以子代父爲政何有嗚呼使君  
爲民父母繫我于獄放我老父老老幼幼仁政之本

嗚呼使君仁明之官他人杖十惟我撻三辱不及親干何痛乎嗚呼使君  
慈良之使他人杖十惟我撻四八歲之豈兒豈忍重刑寘宥之政干何忘乎  
是何日也歲聿其暮人人酒食莫不相慶淒涼冷獄我獨飢寒一日爲難  
嗚呼蒼天胡至此極

不兮母兮其德罔極天兮地兮其恩罔極父兮母兮其恩罔極大兮地兮  
其德罔極

哀々昊天余有何罪以余何罪速喪我考哀哀皇天余有何辜以余何辜  
速奪我考

余何人也孤獨若是終鮮兄弟又無期功余何人也窮苦若是家無尺童  
又無寸土

余年幾何十有三歲單獨一身竟將焉往余年幾何十有四歲行伶隻身  
竟將何托

竹林寂寞兮寒風蕭瑟母子相泣涕淚如雨竹林寂寞兮破屋荒涼母子  
相泣涕淚如血

躬自穿土欲葬我考天乎天乎雨何長流躬自負土將◆我考天乎天乎  
雨何大注

哀々父兮何所歸哉望望不及腸肚欲摧哀々父兮何不來哉念念不忘  
心神欲喪

如火如月如雲如霧先考歸天正氣葱々如火如虹如雲如日先考歸天  
和氣藹藹

舅氏 玄公諱纘祖字汝能 仁善哀我母子竭盡心力以救以活舅氏純善憐我母  
子盡心竭力以鎮以安

伏願皇天哀之憐之白髮慈親老而無恙伏願皇天恤之憫之白髮慈親  
萬壽無疆

命之頑矣早喪嚴父不自死滅忍送日月命之長矣早失嚴親以至今日  
瀛州梁氏忍齋先生 諱晉泰字來叔 哀我父子眷顧其情東瀛梁氏美德君子憐  
我父子眷戀其厚

朝耕南山之下日暮而歸母曰胡不早來豺虎所在朝耘南山之中月明  
而歸母曰胡不遄還蛇 ∞ 在

春雨霏霏草芳萋々歲換物新我心悽然秋霜淅々落木蕭蕭時移物換  
我懷愴然

父母生我劬勞吾不能善養嗚呼蒼天命分何薄父母鞠我劬勞吾不能  
善事嗚呼上天命賦何嗇

天官壽紀先考任之李先生諱必培傳之梁仲伯諱致龍 言之天官壽紀先考  
位之幽明無間神靈告之 公夢遇二公問父親安在答曰以壽紀之任處放安閒勿慮焉詳見年譜  
天地茫茫我心慘慘孝罪大早喪嚴親天地漠漠我心忡々此生抱恨  
千古無窮

瞻彼華山峻嶺乎鄭先生月溪之氣像也吁々乎鄭先生也

瞻彼錦江汪洋乎鄭先生之局量也吁々乎鄭先生也

瞻彼霽月灑落乎鄭先生之胸次也吁々乎鄭先生也

瞻彼冰雪潔白乎鄭先生之心事也吁々乎鄭先生也

波土之浮鷗兮閒雅乎鄭先生之志槩也吁々乎鄭先生也

雪後之春日兮溫和乎鄭先生之德容也吁々乎鄭先生也

石上之高松兮孤直乎鄭先生之心事也吁々乎鄭先生也

經冬之脩竹兮清貞乎鄭先生之氣節也吁々乎鄭先生也

盤溪寂寞兮松梅已古先生遠去我心傷悲盤溪寂寥兮松竹已老先生  
不歸我懷悽悵

穀我錢我令我先考歸于幽宅蠲我賑我令我母子免其飢寒樂只君子  
民之父母閔公 諱聖魯字卿恩德何日忘之其恩如山其德如海欲報萬一何  
可得乎

青青官柳大道之傍蒼蒼龜石頌德之碑木兮無情石兮不言住馬彷徨  
我獨垂涕嗚呼使君胡不歸哉我使君兮自漢之南青青布衾覆我老母  
是誰之賜使君之惠冬日雖寒老母無恙我使君兮自漢之陽津津梁肉  
且封且印祭我先靈享我老母

我使君兮在漢之南追之莫及悵然獨立我使君兮在漢之陽千里江山  
魂夢莫逮

嗟哉梁生孝子致龍天何無祿盡心盡力以養父母嗟哉斯人天何無祿嗟哉

梁生天何促壽友于兄弟親于族戚嗟哉斯人天何促壽

龍山之蘭菊兮兩三其蒂禮義君子 進士曹公根夏號芸窓 今安在哉龍山之楓菊  
兮半枯落半德行君子今安在哉瞻彼松林鬱蒼鬱倉兮君子攸居余所  
欽仰

嗚呼君子孝子父母友于兄弟同鼎白首一盤 金公履泰字來卿號梅谷贈持平 陟  
彼南山採其芝兮爲我君子在彼江北陟彼北山採其杞兮爲我君子在  
彼江西

遵彼南澗言採蘋藻樂只君子在山之南遵彼東臯言採苜蓿愷悌君子  
在山之東

寒魚一封遠自龜城苞之以茅繫之以蔓知我母病誠心求之江魚一苞

遠自耳山銀口雪鱗猶帶寒氷爲我母病盡心求之叩氷得魚一四二八  
知我母病神之來之此意良已勤感歎情何極

書

上李候 錫仁書三

伏以民性本愚迷又無知識幼失所怙未效全親之誠老母臨年蔑有奉  
養之道一無近似而猥竊稱道以至惹人譏笑措躬無地恒切慚慙非意  
城主閣下過聽虛僞之稱特施優老之政累下甘蠶之具年前既除田結  
及烟役且減牟還罔極之恩擢髮難報當以不敢當之意仰陳辭謝而竊  
自念尊貴者賜之賤卑者有不敢辭之義故趨趨未果民之愚昧到此極  
矣益增悚懼之際今又伏聞自朝家有田結復給之命此說一播遠近駭  
聽如民蔑蔑無似者蒙此前古所未有之恩典尤不勝惶恐隕越之至  
民受此名實是萬萬不稱猥濫極矣無謂甚矣天必降譴人亦◆罵決不  
敢晏然承當伏願閣下特察謬妄之狀難安之勢報于上司收復戶之  
令以安徽分事行云云

伏以民本無似猥有稱道措躬無地實難自容而前後受賜放 閣下者  
既隆且濫以不敢承當之意曾已縷陳則 閣下亦必洞燭無餘姑不欲  
更爲提舉而竊伏聞 上司關文辭綠則決非民之所可擔當者民非分  
所安恐懼不已大小結役及田三稅大同錢布之數民方次第備納伏乞  
城主閣下俯察民謬妄之狀難安之勢還收復戶之名俾令無似之身得  
以自處於無過之地云云

伏以民性本愚迷無所如謝老母臨年蔑有奉養之道無一近似而猥竊  
稱道以至惹人◆笑措躬無地恒切慚慙而以蔑々無似者蒙此前古所  
未有之恩典不勝惶恐隕越之至民受此萬萬無實之名猥濫大矣此說  
一播遠近駭聽豈不愧且懼哉伏乞 閣下俯察民謬妄之狀難安之勢  
報于 上司亟收復戶之令俾令無似之身得處於無過之地云云

上巡撫使書

昌平幼學全禹昌謹再拜上書于 巡相閣下伏以生性本愚迷無所知  
謝幼失所怙未效事親之誠老母臨年蔑有奉養之道無一近似於爲人  
子之道而猥有稱說惹人譏笑措躬無地恒切慚慙而不意上年分自  
朝家有田結給復之令生益切惶隕無所自容卽以難堪之意呈狀于本  
官則下教曰 朝令不可私自還收生之情勢萬分難安雖脫身遠去何  
敢連年猥受此名乎伏乞 閣下特察生謬妄之狀難安之勢據宗上報  
還收復戶之令使此無似之身得以自安徽分事行下云云

上姜候必龜書

伏以民性本愚迷無所知識幼失所怙未效事親之誠老母臨年蔑有奉  
養之道無一近似於爲人子之道而猥有稱說惹人譏笑措躬無地恒切  
慚慙不意去年分自 朝家有田結給復之令民益切惶隕無所自容卽  
以難堪之意累次呈訴于 前城主前亟請還收之舉種種結役一齊備

納則 前城主一向牢却民之情勢萬分難安以至今日矣即者又聞有復戶之事云民尤極駭蹙雖脫身遠去何敢連年猥受此 恩典哉伏乞閣下俯察民謬妄之狀難安之勢報于 上司還收復戶之典俾令無似之身得免受嗤之道云云

序

### 全氏家乘序

恭惟我全氏遠有代序百濟功臣諱聶封歡城府院君寔爲始祖也至後孫洪述功存統合三諱載在盟府封寧山府院君易名曰武康事見麗史列傳蓋百濟尙矣歷羅麗而奕世公孤至本朝則名位雖遜忠孝節烈項背相望兩湖則隱德卓行清官名儒世皆摟指焉九代祖尙書公痛麗杜屋罔僕我朝家瑞石山中自靖沒世世所稱瑞隱先生寔爲杜門七十二賢之一蓋鳴陽之有吾全此其始也其胤子无憫公遵父之志從父之行遯世无憫杜門自靖托跡山水 藝祖以丞旨累徵不起惟我 定宗大王有教若曰全仁德拔乎流俗守經不回眞君子也賜號清節大哉王言儘俟百世而不感者也父子貞忠卓節千古炳煥世代逾遠兵燹屢劬子孫殘冷先生遺文遺業百不傳一至我祖考不幸早世不肖命薄罪重年纔十三先君松坡公棄背不肖罔極之痛何可盡言年幼侍側先君恒戒不肖日尙書公以下諱某某諸公之墓皆在某處汝其識之今尙書公後裔不過若干人各自離散若不及今收爲圖牒便爲路人易矣余故聚合爲家乘一冊并先世遺文錄之爲傳守之計汝其受之蓋我伯父及先君兄弟以文士鳴於南中諸從兄亦以文行佩望而皆未遂先志不肖伶仃孤蹠其所恐懼倘如何哉南州耆老上自大夫士下至僮氓莫不指點尙書公遺蹟歷歷如昨曰事必日某址某臺蓋指山陰河右麓稼亭而言也載輿地勝賢 曰某坵亭指獨守亭而言也曰某溪某堂指金山下宰溪齋而言也林壑窈窕階砌宛然風物依舊盡是先祖之杖履攸暨也遺孫之耳聞目寓悽愴傷感爲如何哉不肖生於三百載之下遽欲昭明於三百載之前亦已難矣然攷之◆史參之舊牒古稱三韓甲族者皆有的據矣先祖所御紫金魚袋至今傳之宗孫有天家豈非吾門所貴之青氈乎不肖賦氣甚薄年未甚高有若望秋之木而兩鬢已霜矣先君之志恐未奉副則謹修家乘一部家奔而戶藏不忘先祖南下之義各守敦睦之風則今此之役安知不爲追踵先懿之資乎哉是所望於後人者也勉之哉勉之哉

續集

### 演勸學歌

於戲青春少年子吾語汝而汝無聽貓今世上之所貴文學人外何擇農雖天下大本要不出乎喫着工商猶入四業亦不外於貨殖思之以百以千莫如士也好學人之有道而無教則何以別於禽犢所以聖人設教俾不失其懿德哀哀生我劬勞思父母之恩育欲報德之萬一如昊天而罔

極捨文學而不講誰能盡行子職昔太任之胎教文王生有聖德繫孟母之三遷必欲近學宮之側身雖生於末路心常遊乎遠昔焚膏油以繼晷對聖賢於方冊仰孔孟以爲嚴師指程朱以爲準的矢靡他而羹牆終一生以屹々人則孝而出則弟必要躬行之綽綽學已優兮登仕講治平之方略上爲君而下爲民心常存乎安社稷得風雲之際會幸魚水之契密賁飾太平之盛儀左笙鏞而右黼黻出則將而入則相兮操權柄於一國贊訐諷於廊廟安危惟其掌握以一嘯與一呵天下爲之動色布伊傅之經綸樹管葛之事業豐功偉勳之在生民銘彝鼎而垂竹帛間亦有尙志之士素不索其價而蘊玉或洗耳於潁水之川或垂絲於桐江之石伊所懷之不一亦各意所◆而自適飲水甘於列鼎襦袍華於佩玉視富貴之如浮雲飯蔬飲水有餘樂三徑有菊堪供賞隴上起雲自怡悅大夢無人先覺草堂春睡方足盖嘗觀隱與仕之各行其志皆於學問中道從出且念學莫先於治心心則存而百度始不錯所以古之人先將惺惺法爲第一着試觀經傳中千萬語大意要人心不走作用仁耕與義耨治丹田之茅塞盖勿忘而勿助長必有事焉惕惕無偏私之係戀無以心爲形役人欲盡而天理行拓方寸開之豁養得無限好氣像一般光風與霽月三十六宮來往天根月窟探躡一團春風和氣中何所往而不自得妾婦儀秦可笑異言楊墨必斥富貴功名風斯下惟有下學而上達於戲青春少年子無謂我耄聽必恪陳目下之所見以淺言而庶汝覺書生苦於燈下馬頭榮之三日揮鉅必於題下拔棘圍之大揚生員進士連榜壯元及第開靛紅牌白牌錦袍御賜花頭上插謝恩肅拜退後雙笛花童前列冠帶青衫好品長安道上填咽三日游街豪興萬人叢中挑發新恩寵渥優優錦衣還鄉榮極到門分館脫身行禮紅塵紫陌登揚初仕典籍付錄都事外職連望持平掌令次次承司臺閣副望首望蒙點專任各道方伯玉節金節建前湖南嶺南馳驛前後驅從喝采號令及於列邑草木幾乎風靡人民箇箇震懼欲繼周召治績承流宣化四達清德愛民善政碑面深刻不泐兵判吏判清華殿爲邦家之柱石萬人之上一人下居台鼎之首席坐廟堂面論道措天下於永謐功光祖宗名垂後千秋籍籍誦不絕男兒欲遂平生志可詩書之勤讀歷數古今人賢達疇不專心於經籍有穿隣壁而引光有拾螢囊而照冊三年下帷不窺園童仲舒之篤學廿載匡山不還家李太白之專力東維蘇李子以錐刺股而流血西楚孫景志以髻懸樑而撐目且以夫子之生知韋編知於三絕彼大禹之神功亦寸陰之是惜自其下之群賢亦莫不如恐不及况如吾與爾之凡人不專意而將何所淪落嗟汝後生少年輩略干聰明靠着優遊度日爲事學而時習廢却今日訓誡不細聽來頭窮盧歎何益日月忽其荏苒少年易失頃刻去年今年虛度此日來日浪擲無一藝之可成徒煖衣而飽食生員及第無望全味詩賦表策記僻鄉之實情冀汝曹之奮發由懶惰之成習曾一書之不孰與樵牧而同歸一朝臨於講席都使行次當到顛之倒之惶恟瞻客

舍而搔頭頭如忽地柱觸欲呼不而重難欲逃避而無術足將進而趨趨口欲言而囁訥勵氣勵聲僅僅讀訖曾讀也不通文義時讀也不明段落大書不字落講宜當降定軍役丁壯編伍作隊治裝戰服戰笠妻子眷屬寒心身役番布催促千態萬狀幸苦艱以充數匹木元木後木作匹抱之入于官庭其中色數龕惡改備嚴令退出萬般庭中白活官員主兮大怒再三至祝哀乞刑房色吏附同此漢彼漢詬辱頭髮捽曳轉回怳若待以獸畜雖曰村漢之子猶不堪愧忤况以兩班之稱畏耳目而可堪怩恧又况笞杖棍杖嚴重不省人事仆伏不能步不能立向公事門外匍匐有若淮陰候俛入屠中惡少胯下出欲賣田而不易亦不能於傭役欲自縊而未果欲投水而狂發勸農主人連促價布之不日上納怒拳打頰復如雨人生天地間豈有如此地獄翻然改悟思之無他此乃不讀書之失策莫謂當年學日少少日虛過曩已雪人間讀書無價賁爾胡爲乎忘却人生一老不復少深悔從前事遊俠學與不學不同有識無識迥別萬能必自有識萬不能皆歸無識雖然非有識之徒爲貴惟躬行之爲實德學之先從心上體驗次從身上行得處事接人有三省克己復禮有四勿吾人所當嚮往有顏曾之前轍妻子不咨咨父母不戚戚親戚懷其仁朋友信其然諾雖一字之不識吾必謂之則哲如曰父焉而不慈其子子焉而其親不悅兄焉而不友其弟弟焉而其兄不翁於長老而不致恭敬於幼少而不盡字恤雖讀千萬卷書孰肯許以有德利亦我所欲義理亦我所欲二者不可得兼必捨利而惟義理是擇滅天常則人道廢遵天常則人道立自先世而聿修爲域中之名閥或稱某官遠裔或云某賢血屬待遇殊於凡人不思所以自肅反加妄自尊大令人視以側目甚至腹誹歸於荒山舌劔及於白骨彼亦何心爲此思之良可嗟咄顧余六十老翁有何求面何欲賦命奇窮險釁零丁孤苦了立內無應門尺童外無期功親族畢命依於松楸痛西山之日迫心好學之無暇躬鎌鋤於峽谷伴林藪之鳥獸冒雲霞以逐逐幸二子之長成有三孫以繞膝心恒祝于昊天冀膝下之好紙筆誦前儒之格言間亦竊附己說願諸孫之誦念庶有助于與作嗟門戶之冷落幾百年于今日寔前朝之高族半千歲之纓紱固否泰之有數亦盛衰之有往有復雖曰落南而衰替世清白而無瑕缺乏桂蓮之芳芬猶學業之敦實伯父孝而感神先考亦能聯萼但貧寒之已甚朝不暇於慮夕天不吊余小子弱齡遽罹泣血恨一身之躄々履霜雖而惕恍衣草衣之翩翩戴葛巾之一角鴛心般之疾舸馳意馬之逸足浮東溟之日出窮西天之若木想魯連之所蹈吊田橫之不屈觀齊都之壯麗思桓文之霸業仰尼山之瑞氣瞻岱嶽之秀色彷徨乎洙泗之上留連乎鄒魯之邑觀夫子之遺風思顏閔之餘澤盖中州之靈域是惟聖人之所發迹泛九江而向吳指姑蘇之舊躡浙江潮之涵々鳥江波之濺々登石頭之巉巖俯六代之都邑義吳魏之爭雄夕陽下於赤壁一鶴鳴而飛過疑蘇仙之夢客返棹西而入楚望河庭湖與雲夢澤吊義帝於江中誦紫陽之直

筆過潯陽之栗里問三徑之松菊歷山高而依舊雷澤平而黝黑泊黃陵之廟前瀟湘岸之暫息悲班竹之叢叢帶淚痕之點滴懷沙亭之安在秋水長天一色望鹿門之烟霞訪隆中之諸葛山不高而秀麗地幽遠而不俗浮于洛而沂渭向秦關之險隘寄一場之春夢笑祖龍之雄略雲茫茫於驪山日色慘於硯谷由乎渭而浮汴吾將觀乎大梁而駭矚是亦天下之一都會既人居之稠密又山洞之險固誠魏國之寶物也後宋祖之都此幾百年之寧謐嗚乎天府帝王之地或爲奸凶之◆穴或作戒虜之焚蕩見繫馬之回紇自萬古而由來幾興廢之更迭歌麥秀之漸漸過殷墟而淒切使介山之忠魏寄萬年之寒食登龍門而壯觀歎夏禹之鬼斷指西北以揮鞭捨舟楫而馳陸訪夷齊於首陽採探舊日之薇蕨飲余馬於潁水邀子陵於富春之麓千峰碧於雲外歌商嶺之紫芝燁燁跨劔閣之鳥道歎不守漢之安樂望錦水與巴江不岷山之萬疊指芒碭之瑞雲壯隆準之創業吊睢陽之巡遠候偃城之岳穆到燕趙而慷慨重歎不歸之頗牧臨邯鄲之舊橋哀挾匕之大俠眇萬里之長城笑祖龍之虛築噫嘻此遊之近於荒唐盍歸來乎故國渡悠悠之遼水過鳳凰之城堞撫華表之高柱出山海之關隘歎杜宇之山河今誰家之城闕登白頭之高嶽試翹首而游目三韓僅如一丸東海不過練匹指蓬萊之葱瓏望瀛洲之灼灼意其中之別開靈境群仙◆來歷歷嗟吾不離烟火中長興那處隔絕既斷綠而歸來返舊居之斗室收心神以思又思皆不如尚友書中之先哲亂曰已矣哉霜雪侵於雙鬢眼矇矓而齒落惟一心之耿耿恨小壯之不努力嗟汝青春少年子視吾無聞爲前轍勉之勉之又勉之惜流光而勿浪費一刻朝朝暮暮對書案經經緯史勤思索朝聞道夕死可夫子豈欺我而發盛年易過不重來聖訓爾宜刻骨

擬岳陽樓賦

岳陽樓之奇勝兮是何人之所築也峩眉山蘇子瞻采石江李太白白玉京金門吏紫微宮香案吏誤讀黃庭經謫下人間世靈性具存舊習未已爲江山之主人作風月之過客巴陵城西好景處擬作名亭以寄高蠅喚玉京之舊匠運巧思以營作揮玉斧八月宮丹桂任其斫代借祖龍之神鞭驅木石而咸集功不日而亟成見眼中之突兀彷彿銀河廣寒殿依然天上白玉樓翠藁雕樑迥臨飛鳥之上風軒月戶高出塵寰之區邀王子安李長吉作上樑文字字鏗鏘句句繡紋請虎頭師顧凱之繪畫西蜀丹青輝煌形形色色令人心駭目驚東南吳楚勝槩天下第一湖山見九疑之綿邈瞻巫山之嶮崿陽臺朝雲炫耀爛蒼梧暮烟灼灼約靡曼北通三江南連七澤浩浩漾々汪洋無極春和景明波瀾不驚上下天光一碧萬頃來帆去檣盡是蜀賈吳商蓮歌菱唱無非吳姬越娘登斯樓之壯麗盡宇內之大觀酬平生之素志脫齷齪之塵寰醉把盃酒可以吞江南吳越之清風高倚欄檻飄然有羽化登仙之恢胷於是選吉擇良訪落成宴俯仰今古夫復何羨佳釀作洞庭之波珍羞如群山之雋送鸚鵡傳言請天

下千古文章仙客喚青烏報信邀九州萬代佳人絕色設雲霧屏張烟霞帳分東西之座定左右之嚮巢父先到許由繼至元丹丘赤松子王子晉崔孤雲石連子呂洞賓郭處士安期生伯夷叔齊自首陽魯仲連從東海東園公綺里季角里先生夏黃公富春山巖子陵杜牧之巖君平張翥普處士陶淵明杜牧之風彩諸葛武侯智略司馬遷記事杜子美吟津長卿作賦羲之揮筆俄而皇英二夫人來到淑容嬌嬌前從兮金童玉女後從兮鳳笙鸞簫受萬人之仰視即右班之首席繼以周之妊似窈窕其有女德亦有吳國西施秦王女弄玉洛浦凌波仙瑤池西王母一塵不着顏皎皎出霞表楚王息夫人漢高祖戚夫人漢武帝李夫人漢光武陰貴人漢照然甘糜未人江南二喬卓文君蔡文姬唐明皇玉真石崇錄珠陳後主張麗華南岳山魏夫人八仙女爭姘金盤紫芝玉壺 瓊液鸚鵡盃鸕鷀爵淑娘子捲翠袖舉盃進勸至醉西王母奉碧桃以仙味代俗醪杜牧之中

座而請曰如此大宴豈無聲樂此是千萬古一奇遇耳載歌載舞各盡其樂况復是日也天地明快不盡其技恐負勝會於是王子吹笙公主和而歌張麗華唱後庭花此乃亡國之曲聲音悽惻蔡文姬胡笳母子相別王昭君琵琶塞外遠出窈人肺腑其調安得不愴切哉成連子抱琴抽撥指瑞有神能奏上絕行雲之數闋繼聞湘君手援寶瑟惻惻而彈切切而作南巡千載餘恨不沫俄而罷彈更命虞美人舉手再拜而起自歌自舞其詞曰天之生此麗質寵愛得專霸王之宮望秦關之明月迎楚臺之春風誓百年之懽娛期一生而令終何天時之不利壯圖窮於垓下環四面之楚歌奈兩行之淚灑花飛劍頭玉碎霜鏃俯仰太息天地茫茫千秋萬古窈人肺腸恨唱歌聲咽慷慨如聞四面楚歌之聲愁翻舞袖遲徘徊似顧雲瞳泣下之形衆賓惻然虞姬罷舞白日欲暮紅粧和淚杜牧之復進日西班之樂盡是婦人屑屑悲哀不合今日之宴爲快心樂事而盛開伏願諸公更張音節返照橫江日將夕矣夕景尤奇分刻可惜佳賓滿座曷不歡謔更引金樽洗盞更酌鼓吹喧天清歌相傳波浪爲之高弄群鸞幾乎欲動魚鱗躍錦鷺舞翼勝狀無盡怱怱心目平生夢想不可見之顏面豈期今日皆相迎而膝促名樓不朽盛會欲續參橫斗轉月欲落於波心曲罷歸來山蒼然之曉色拙賦成章恐浼勝蹟

雜著

千字文

上天下地廣大無極左東右西前南後北日月昭明星辰環列峙嶽崢嶸河海浩濶雲興雨施風雷動激書夜運行自彊不息含弘厚載牝馬其貞寒暑遷序春秋生成羽毛飛走鱗甲潛躍枝葉楓價葩莖葵菊萬品之主伊人兩間用因承循俯仰屈伸男女媾精胎產鞠育蕃熾滿土參二才格構巢居肇鑽火用博包犧繼世宇宙恢廓名物造字書契記錄驪龍負圖靈龜出洛孰焉識哉惟聖斯惻觀象設卦加一各八爻止六畫倍數增衍

乾坤爲首尊卑乃顯陰陽互換奇耦順逆体以罔遺吉凶判決鉤深探玄  
 衆理根窟神農教耕耒耜◆斷鞭嘗百卉疾病醫藥軒轅于戈經年戰伐  
 相后將牧遁局妙術克坂擒涿四方歸服撓建容曆隸筭伶律陸車水舟  
 九州通達文章表別條陳巨細貴賤等分公候士庶唐堯欽思虞舜號旻  
 都俞吁咈雍熙至仁殛緜竄苗拔凱舉元薰琴詩譜廣歌和作鳥獸卒舞  
 魚鱉咸若衢謠鼓腹鑿飲耕食禹治洪洙焦勞心力泥橈山◆導塞疏滯  
 聞過即喜見罪垂涕規矩準繩惜寸饋起癸瓊宮室辛銅炭柱殺逢脯鄂  
 微去箕狂湯學莘伊武師渭尚放桀誅紂解倒拯溺幽厲昏暴終遭弑逐  
 宣靖任使鴻雁遵者初命晋卿王綱失序五霸假僞七雄犄角臏起習兵  
 蘇張掉舌頗奔坑平毅逃強墨趙誇荆璞魏矜徑珠竊符計密挾匕禍隨  
 鎬池壁返沙丘鮑臭沐猴屠羸楚懷帝義芒碣異氣亟先赤熾蕭載版籍  
 信專攻取邦致豐富黎民歡號曾危呂雉末啄巧燕僞周謙恭耽酒獵宴  
 九穗呈瑞佳氣愬蒨◆川漲溢滹沱水堅彭濰晦黑冥佑一般寬柔崇德  
 京湧醴泉莊桓禮漫可侔誦釗腐刑姦蠱鉄鉞陳寶千里莽燕禾鬼言午  
 慷慨碩耳志存宗社桃園結盟雪裡訪葛巴錦臺沼玉疊城關驃尾繫牛  
 中原驅石斬蛇意宏金刀二祖綺閣崔嵬鳳凰翔舞菖蒲出花比屋禱佛  
 蓮步嬌艷鉄騎馳蹴隋堤飄絮仙李芳盛妖尾驕淫禁閩溪淨少楊能語  
 蜀棧輦路清類投濁屹雀凍餒鴨軍猖獗陔種對越香孩御坐奎彩輝炯  
 兄弟篤友灸艾分痛旱災復回燭光殘影寇范弼光廊廟權衡顛頤敦熹  
 洙泗源流垂簾華勛古今寡儔杜鵑啼邛魔怪彙臻放虎圍身抱爐臥薪  
 雙鸞木籠匹駒秣陵老檜錯盤岳穆寃凝賈雖虎噬奈晚國艱穹旻漠兮  
 虜辱再歎脫袞被緇餓殍困乎孽奴縱橫污穢兩都崖潮鷓沉章家閨位  
 紅璋燦煌普照煥耀否運還泰昌會重覩億兆欣榮甘露浦襄休徵類應  
 麒麟奏祥含譽現游兔自由寧曲阜頻幸奠祀嚴精玄禽頡頏振衣袈裟  
 肅顯壽考化澤尤滋功蓋蹄岑恩洽震潘紫皇又醉鶉首賜秦顧膽塵界  
 誰氏正朔噓噫悵悵是恨誤落愚迷驚劣豈攸希望孤踽單弱淵冰凜兢  
 苟全性命棲依溪壑採拾澗畔鎌鋤嚴谷乘閒近案典謨展閱姚姒如昨  
 漢宋咫尺棄勸稼穡且勤吐握孔嚴褒貶孟稱性善顏冉敦博參閱孝虔  
 掃除彝基修葺認宅坦蕩倫庭洞敞法閣昔陶有創壯麗綉闥夫子既久  
 頽櫛破窓俗壞道喪盍慎戒惶曰彼蒼者莫我與也

山陰世稿卷之二

莪谷遺稿附錄

山亭聯句

來訪仙翁方外遊此間風味正悠悠仲直梁進士敬之相携一席閒談久不學西  
 山落照收受汝多謝故人遠相訪心胷開豁更何求善卿  
 謹述平日慕仰之私茲呈莪谷以求斥正濟州梁學謙參奉  
 久爲巖穴客風月任閒情接物輸寬厚奉親以敬誠力田求寡過遜世貴  
 無名願欲芳隣托從今送此生

丘壑安身樂彼天朝而鑿井暮耕田若值雍熙虞夏世肯教山野有遺賢  
平生耕鑿莫言窮所樂嚚嚚畎畝中千秋回也君能繼誠以養親行飭躬  
盤石贈莪谷全孝子善卿烏川鄭放河號簫隱參奉  
暇日驅驢到逢君青眼開相邀石上坐古木餘衰梅

輓章

長澤高應麟

花朝月夕憶吾君誰料凶音此日聞色養孝誠參閱並衣麻哀隕大小群  
雙男血指承家緒六耋全歸謝世紛鄉黨自今無善士題輓淚灑瑞山雲  
又 中原朴再益

孝行出天性孤風凜一生鄉隣已褒啓士友誦令名復戶生前美旌閭死  
後成善人難重見永訣痛交情

叩冰誠孝出諸羣古有王祥今見君養志丘園鮮外慕居家行義脫塵紛  
又 光州金榮晉

溫溫氣質出天真誠孝平生善養親苦熱豈徒扇枕事寒冰又是獲魚人  
生前懿行公先得身後家聲子可遵鄉黨即今方有議芳名他日耀千春  
又 長興高應震

至孝於君出自天溫溫氣質溼如仙安貧剩得林泉樂率性曾無俗累牽  
百行純兼承世德一生操守尚前賢秋風一夕凶音到却向山南涕泗漣  
若是昌鄉愷悌人胡然去作玉京賓吾衰已負攀輻哭老淚空沾病裡巾  
巍然山瑞石釀出玉如人一死君何恨重泉定省親

又 濟州梁洞之

半世林泉作逸氓蕭條計活事樵耕愛親純孝由天性接物和容見本情  
行徹 九重優寵典慶綿雙玉繼家聲新阡幸與先塋隔地下惟應至樂  
成

佳城埋却玉如人斯世誰能至孝純樸月依稀薤露斷空山獨立淚盈巾  
又 文化柳致和

南隣全孝子襟韻早相親送死曾無憾養生不厭貧一鄉稱善士吾郡更  
何人雙男能趾美餘慶已津津

和容懿德迥超人晚歲雲林作逸民誠感天人誰與比瑞山蒼翠共嶙峋  
又 咸陽朴台揆

人於父母孝當然獨也吾君性出天拾穗幼年甘旨供感龜冬月色憂痊  
妻能助內寧無自子克承家蓋有傳已矣今來何處得山陰暮雨鎖新阡  
今世如君有幾人胡爲壽不稱其仁冥王亦解通天孝故使催歸拜兩親  
又 任城李漢根

孝者其惟百行源美蹟寧將一事言水鯉冬龜誠攸格冀嘗指斷志尤敦  
名留斯世壽千古魂與王祥遊九原歸化如今有何憾內範庭蘭耀德門  
又 慶州龜壽

平生雅操玉如明鄉里爭稱德義名許士高風曾有感閔家遺行世無京

孝專夫婦雙兒又萬古綱常萃一庭永訣今朝罔極恨爲題哀輓涕沾纓  
又 坡平尹德昌

君何先棄我深恨永歎吾送輻遠別路淚盡血滿襦想君平生事白玉一  
瑕無兒時孝感天感應凡常殊叩冰龜自躍買藥鬼指途色養老萊僊瓢  
空顏子徒非但一家化餘波四沾濡遠近爭薦 達聖主復其祖令名僅  
耳順歸化最堪吁鄉人呼執紼親友哭攀轡歸覲九原親必喜鯉庭趨君  
垂死後芳我獨生崎嶇人間嗟已矣地下更從乎早晚青山月相對醉玉  
壺

又 竹山朴麟祥進士

一室人皆考古無今有之隨唱夫婦得繼述子兒奇佇看旌閭慶溪徒復  
戶宜平生知心語空寄數行詞

又 烏川鄭就河生進號易簡齊

屋上青山俯碧流天開孝子一園邱蟾巔樵斧親常取龍瀨漁竿老未收  
蘭砌春深能述事萱闈歲晏樂無憂薤歌一曲天將暮可惜光陰六十秋  
又 親安李胄玉 進士

天生篤孝一家全內範既同子亦然異蹟冬龜神所貺古人冰鯉美奚專  
糞嘗指血誠惟竭色養連哀禮莫愆山洞慈烏啼半夜行人駐馬涕長漣  
遐邇咸稱孝且仁容儀粹盎見天真六旬駒隙忙休歎百世芳名壽不磷  
又 昌寧曹錫東

吾友平生孝欲陳不可周割肌宋雷錫嘗糞庾黔妻胃雪桃何隕衝冰龜  
自浮冰言維則事辭廟便長休

君家孝行不可當夫婦孝名幾齊芳況有二郎能斷指一門誠孝出尋常  
生能盡孝死辭神生死孝心一樣人已被 寵光蠲賦稅佇看 恩典表  
門楣聲吞書哭期同穴血泣晨號有貳身衰病竟孤蒿里餞不堪情往盤  
石垠

又 長興高萬成

吾鄉善士子其人純孝溫容邁等倫可惜荒山埋玉樹從今無復見天真  
至孝傳家事襟懷秋水清君今歸去速天道儘難評

又 昌原丁道善

幼小能知事親節嘉君誠孝格于天凍龜出水從何得死雉投山亦自然  
不露捶痕甘代獄要供甘旨樂耕田倫情益篤嘗糞日血淚長沾泣樹年  
鄉里上書爭頌美 聖明復戶竟褒賢生來豈獨省墳側死去猶能拜廟  
前三世傳家無改道兩兒斷指政堪憐衰翁孤負佳城餞題罷哀詞涕泗  
漣

又 平城林柱旻

有美山陰士孝親自小時至誠動地主冥感格冬龜奉母同賢配承家有  
二兒死生無憾恨何用哭吾私

又 錦城吳重胄

山陰窈窕裡吾友世傳居茅屋身常泰石山手自鋤搢耆稱邵象感龜等  
王魚今日清儀隔臨門淚滿裾

孝子峰南孝子出夫唱婦隨子亦述前古所無今有之嗟哉吾友與誰匹  
又 錦城羅景益

孝子之峰峙縣東天焉鍾出公之孝不待學問知孝親十歲以前見至孝  
死雉來投爲愛親冰龜出水物感孝拾穗秋田繼親糧重見仲由負米孝  
囹圄替囚在兒時不露咨痕可見孝龜筮神妙爲親疾門庭和肅出自孝  
雖云不學吾謂學辭氣雍容無乃孝四隣爭稱某也孝不名其名名以孝  
能供異味親疾效此是吾公感人孝五十慕親於子見想公平生事事孝  
嘗冀指斷是常事養生送死皆以孝孝以相傳三其代莫是承襲家庭孝  
大哉 吾王孝理心命復其戶彰其孝嗚呼疾革不忘孝拜辭廟庭終以  
孝從容遺訓無他語全以歸之是亦孝自少至老都是孝孝云誰與吾子  
孝孤露人世無如我爲題蕭章慚不孝

子兮承父孝妻又感夫孝三孝一門萃旌閭當以孝

又 星州李星德

孝嶽崢嶸萬丈又於君曾是降精萃龜生雪逕追雙鯉桃摘冬枝邁二瓜  
認則徽方妻繼業遺風餘韻子傳家黃墟夜色元無曉翠嶺愁雲擁素車  
又 光山金得瑞

王魚孟筍古今傳之子高名與後先龜見至誠登雪岸桃知純慤落霜天  
婦隨夫唱同成孝子述父傳並做賢六十光陰雖曰促一家令德照千年  
又 竹山朴麟祥進士

遠近人皆曰鳴陽孝子亡孟筍奚獨美王鯉共流芳餘韻雙男斷遺哀一  
女孀崩城晝夜哭日月亦無光

屋後青山身後塚交情姻誼兩茫然哀詞欲鴈懷難盡樑月依依入夢牽  
又 咸陽朴 璨

爲子誰無欲孝心出天能得至誠深壯元峯後躬耕野瑞石山前反哺林  
地府方欣歸薰永鄉里咸惜失曾參兒能斷指同兄弟純美家聲世共欽  
又 光山金厚顯處士

吾友今成一夢否一聲長惜淚交流應緣大上玉樓賊不使人間孝子留  
小日孤哀空有恨即辰歸侍永無憂嗟哉遺意知何恨獨也神明質厥由  
又 咸陽朴新克 進士號節窩

張橫渠西銘曰存吾順事歿吾寧也釋之者曰孝子之身存則事其親  
也下違其志而已歿則安而無所愧於親也余誦此語而求之于今吾  
友全善卿氏其庶幾乎奉親三十年順其志而終始無違毒痢數十日  
命垂盡而安心辭廟者非有得於存順歿寧之義耶且七歲拾禾之養  
無愧乎百里負米隆冬感龜之誠實符於冰上躍鯉而若妻與子之皆  
孝古亦未聞則真大易所謂夫夫父父而家道正者歟生前復戶之命  
未足以償其孝而今秋公歿後鄉士報官太守艷歎因有按使之稱道

則綽禊之典其將繼下耶服公深而知公詳者宜莫如我而自聞公訃  
愕然如失粹盎之儀純美之孝嗚呼今日何處復見即遠告期病未臨  
穴南望瑞石之下泣綴挽輻之辭辭日

身為孝子妻為孝百行源頭自一家况有雙蘭能繼緒公無憾矣我何嗟  
又 濟州梁學魯

如公至行更無倫不待吾言已播人往事最多難忘處山陰夜雪碧溪春  
又 李萬炅

生同一世又同年伊昔鷹湖榻共連每恨圭岑雲樹阻那知凶報夢中傳  
心懷冰玉人爭慕孝出天真行亦全碩士云亡餘慶在家聲付與二難賢  
伊昔渭陽天共聯竹馬鞭論交氣味合托契金石堅痛矣君先逝衰遲我  
最憐幽明從此別題挽淚漣々

又 鳴陽曹弘贊

王祥姿性大連操誠感蒼蒼九萬高霜鴈無知能入袍冰龜雖伏自生臯  
嘉名我國京鄉在 恩典君家內外褒遺韻餘風何處仰繼聲又有兩兒  
曹臨終強欲拜先靈純至誠心死愈銘新阡幸與幽庄近魂亦晨昏八廟  
庭

又 文化柳震泰 號不欺齊

孝為百行源於公無間然昌鄉誰復孝哀涕不禁連

延州玄若河

質行人鮮似我公居家為孝國思忠垂年六十顏無改被褐三冬道不窮  
浮世光陰忙石火人間萬事歸虛空却懷談古論今地此日難追長者風  
年輩雖先後襟懷兩不疑有時陪杖履衰世好風儀一朝千古隔音容香  
莫追從前相好誼此日題挽詩

又 錦城吳重源

嗟哉誠孝子名掛海天東雪鯉抽冰圻夜螢 引路紅六旬雖不壽二子尙  
留風崙里薤歌咽傷心怨化翁

夫導妻隨子亦述一家孝思摠輝光星移物換名何泐瑞巖高高翠水長  
又 利川徐必謙處士

孝哉全孝子今也全而歸昔在髫日悅齡親顏色怡思將寸草誠報得三  
春暉拾禾憚勞耕田願無違

猗歟全孝子至誠感彼蒼蒼老色憂深思副病裡嘗積雪桃有窠堅冰龜  
發祥王鯉豈專美孟荀不獨香

純乎全孝子喪有終身憂朝朝羹牆懷年年霜露秋病危思拜廟易簣強  
舉頭整頓衣冠起欲行嗟未由

異哉全孝子賢閭亦出天十四能斷指令名自福川助成一家則是生二  
郎賢元李指斷血保得數刻延

吁嗟命矣夫逝忙胡不俟斯世之仁人一鄉之善士復戶曾不侈表閭將  
有擬 今也全而歸孝哉全孝子

又 長興高守謙

寸草心勤報日暉恭爲子職似君稀採山釣水具甘旨守分安貧忘世機  
違侍幾年敦孺慕下從今日喜全歸偉儀自此嗟難覿樛月依依助我唏  
行驗方修己德彰已潤身眞醇人幾艷氣味我惟親一病緣違養六旬欠  
壽仁生藟青一束千載玉其人

又 濟州梁學謙參奉

維彼瑞石山磅礴鎮南國北麓稍稍下以爲山陰谷有美全孝子惟嶽所  
鍾毓年纔七八歲已知愛親篤當其父患瘡調救靡不極捉魚適病口不  
憚凍雪虐生計甚貧窶無資繼糜粥遠近感其意有遺供朝夕冬糴急索  
日病父滯牢獄乞以身代囚兩脚被楚毒慮其傷親意忍痛不形色除夜  
始蒙放子子尋歸屋雨後川沒橋臨流渡渡得傍人勸止留辭以覲親急  
負濟深夜後衝雪歸跣足尙非由至性誠心豈此若及於十二歲親病復  
危劇醫言得用龜其效庶可獲時當正月初天寒冰雪積遑遑出門去沿  
溪揮淚索忽見岩下雪龜有曳尾迹尋到獲雙龜歸供病差復至誠之所  
動蒼天爲感格親病冬又重憂遑久廢食嘗糞驗苦甜血指淹晷刻以至  
終不救仆地仍氣塞哀毀居三年見者皆悲憾閔候加褒獎賻以米錢穀  
異行達 天門聖主恩典錫將母寄窮峽色養隨所適躬耕背負樵反出  
面必告鬼告夜藥製天感雪魚躍有妹青春歲寡居無依托率歸一室內  
矜憐爲撫育娶歸張氏女十四指亦斫有夫有是婦好合琴瑟樂聞達不  
求世甘心老丘壑今秋七月日患痢疾漸革臨終開北牖向廟却俯伏稽  
首拜永訣從容因就席須更奄屬續嗚呼可勝惜將以菊秋望佳城定後  
麓看到求挽語欲題淚先落昔我祖與考公行詳備錄揄揚一代上昭載  
人耳目證以舊所聞參以今所覲言行撮其大豈盡公心曲惟公忠孝質  
超然出凡俗持身愈謙約接物自願慤非但工於詩妙處尤在易手探伏  
羲天足躡邵子域稽疑人爭趨觀化世莫測訓子見純深勉人以問學常  
歎家貧甚親喪襲歛薄遺戒身死後慎勿用紐帛每道受 主恩許心死  
社稷曾當戊申變思圖報國策亂平縱未就所操從可識時時訪余齋談  
文因經宿論交無老少兩心期莫逆一疾遽至斯天胡奪去速慘淡澗雲  
黑依倚樛月白音容想像地淳雅完如昨生順死旣安於公復何忤二郎  
能繼業餘慶應遠及我候孝理餘嘉公實行蹟轉達 九重內將爲旌閭  
宅然後公之名高與無等立以此慰吾公幽明不寂寞聊以歌盛美替和  
山陽笛嗚呼兮哀哉九原不可作

又 錦城吳普源進士

禮天仙樂上雲鄉六十光陰石火忙生事百年前仲蔚至誠千載後王祥  
傳家舊習妻能繼斷指餘風子亦揚不死高名何處仰孝峰秋色獨蒼蒼  
又 錦城吳鉉胄獻納

行篤王公孝貧安原子居青山秋日薄不忍吊孤盧鄉推三達士名徹九  
重天千載倘編史共稱曾閔賢

又 平城林 蕙處士

肅廟辛未歲天生孝子全品格出凡常玉壺清冰妍纔免父母懷則知愛  
敬先八歲遭父獄流涕乞官前終能以身代誰謂兒爾然十二父病瘡殫  
誠奉粥饘醫言龜當效時奈雪霜天泣向東洲上雙尾格澗邊孝感有如  
此終得病自痊奄值山崩歲灌血命暫延泣血天地間哀毀性難全在疚  
三年內孰不稱其賢奉母求良配孝女在福川夫婦兩美合家法一時圓  
甘旨常患貧躬耕山上田供奉無不致誠愛蓋人鮮至樂難久得應釀血  
淚漣哭哀顏色慼一如泣樹年秉彝人皆同愚頑庶勉旃六旬非爲壽云  
何二豎纏明服泣辭廟至誠死猶堅指血有所染寡女二子連至孝萃一  
門家聲誰比焉特行終難民公議 徹九天我病違一奠不覺情惻悄含  
淚寫一章仙區鎖暮烟

又 月城鄭麟壽

惟我於君竹馬朋離別年內感恨增無復蘭窓同會話忽驚樛月夢中昇  
家傳四孝人爭譽名動八區世共稱蟄伏殊方違執紼不禁回首涕沾膺  
又 利川徐以悌

天作孝峰主一縣得其精者惟全公良知出自孩提日至行從來稟賦中  
復戶己蒙邦典美旌閭將看物論同六旬只欠仁不壽木落山陰淚滿瞳

又 南平文天成

餘生深幸托芳隣時拜龐床賜欸親皎潔襟懷千古月雍容和氣一團春  
生前至行聞 明主歿後哀音咽路人復見二郎傳孝心始知餘慶本於  
仁

又 坡平尹思近

愉色婉容寸草心吾鄉幸見古曾參雪桃冰龜表誠感復戶蠲徭 聖澤  
深風樹纏悲悲不逮松楸畢命命難謹六旬如夢山陰暮長使親朋淚滿  
襟

孝子之門孝婦並更看善繼有諸郎一家至行何多萃宜號吾鄉孝子鄉

又 坡平尹思敏

至行根天性冲年已孝親誠當雙鯉躍感致一龜臻復戶 恩廣大蠲徭  
禮數頻臨終思不匱向廟拜先人

孝子何年孝得名 天恩蠲稅世皆榮更看孝婦宜其室孝子孝婦孝又  
生

昔年張霸號曾子曾子如今又見公指斷糞嘗餘事耳雪桃冰龜與天通  
天姿出衆中本立百行通事父能竭力奉母又盡表辛勤備滄瀨家道本  
屢空國穀未趁官◆楊代乃翁侍疾嘗糞兼指斷感天冰龜與桃叢從知  
孝可比泣筍特許蠲稅天恩洪孝子永不匱錫類成家風養生具甘旨送  
死誠徹穹欒欒兩棘人泣血恨不窮佇看一門中次第旌閭同

又 永平文道貫

冲年誠孝出天真異蹟嘉祥萃一身冰龜神送侍湯日雪桃天隕供甘辰

聲傳入路仁聞廣名達九重 聖褒新臨逝更伸辭廟拜終身之慕見斯人

又 昌原丁慎仁

百行之源猗我兄淳淳素質是天生釣龜泣雪王祥孝齧指和糜學奎誠

篤敬一心期色養定省餘力樂躬耕多欽斯世爲矜式痛哭騎箕此日行晚交今日慟南北恨雙居六十仁非壽雙男慶有餘留名知不朽褒美佇旌閭題誄言何盡遙望哭素車

又 光州金慶復

仁心德性混天成髻鬢當年擅孝名忠養已能供滫瀡至誠還復感神明冰桃似契嘗糞志雪龜如應指斷誠蠲稅即今流賊澤佇看他日表門衡

又 平康蔡之淑

世道澆漓五教衰惟公誠孝是秉彝龜穿凍雪天猶感魚躍寒冰物亦知鏗跡韜光寧有愧安貧守分自無欺想應英魄泉臺下更拜雙親敘久離先得人間百行源其餘諸事更何言薤歌落日聲聲咽數行哀詞摠淚痕

又 三從侄天兒

性行平生不獨賢事親誠孝出於天嘗糞斷指由兒歲感鴨登龜在暮年邦眷已褒恩典大士論爭起令名傳妻隨女懿兒能繼萬古倫常一室縣族分雖爲叔情誼似同兄地下逢吾老爲報此孤勞

又 族孫得天

哭公恨不窮誄公言何極公性出天真誠孝自幼篤躬耕數畝田竭力盡子職漁樵供甘旨古書兼夜讀世居先壠側奉先心蓋切敦睦是所尚初無遠近別於余服雖窮視之如親侄何知六 歲遽然幽明隔悠悠彼蒼天何奪吾公速仁而不得壽斯理杳難測溫溫底氣像何處復見得善人已云沒行路或嗟惜二蘭克承緒庶可慰冥莫嗚呼已矣哉九原更難作此日攀輻地哭私淚沾臆

又 烏川鄭敏河號簫隱叅奉

可惜吾人全善卿傳家孝悌出天誠生前未盡思親意地下猶能作覲行

又 光州金守一

出天至孝孰如公彌篤誠心一始終指斷糞嘗稀世事尋醫問藥亦神通三龜曾出寒冰上四孝今稱一室中病蟄無緣臨穴慟欲題哀輓淚盈腫

又 咸陽朴取獻

斷々無他技恂々長者風半生渾得孝一病已成翁命矣旌閭晚居然食戶空傳家有令子含笑九原中

又 天安全世煥

自幼先識秉人彝百行之源不一奇夜路感誠指流螢天翁知德錫冬龜荊妻宜樂家能正訓子純深戶靡隳復賜終身無所與世稱其孝必於斯

又 錦城羅景勳

吾友全公字善卿出天誠孝盡平生尋醫路忽逢魚饋指道神兼報藥成  
同井淳鄉能薦美有朋尹叟益彰名蜉蝣人世何須恨竹帛長垂不朽榮  
又 竹山朴胤星

今夕是何夕生離死別場數行淚不乾一曲歌聲長瑞石山東北日有縣  
鳴陽鳴陽十里南村有山陰庄澗水出其側百里流洋洋盤石在其下上  
又松蒼蒼夫公於此居美德著柔剛溫潤金玉質馥烈蘭桂香忠質獨太  
古至行秉天常自從懷橘歲能識負米方早歲泣春閨遲暮侍萱堂朝出  
耕石田夜歸披書箱盡日不得息樵採養無方王鯉登冬盤茅鷄薦秋梁  
不待三牲養親極五味嘗和怡問起居洞屬奉寢床盡心爲親歡慈候日  
寧康爲仁德不孤有鳳宜有鳳鮑室提甕桓崔門拜姑唐未笄孝已敦宜  
家行固彰一誠共養志人皆間言亡孝爲百行先令聞達四鄉諸君聲氣  
同合辭共薦揚 聖朝嘉乃孝復除寵大章班衣樂未了咏蓼涕滂々嗟  
哉大孝慕誠功敬梓桑余以苽葛綠早從仰景光提誨何曾倦肝膽未咸  
藏炊涼幾回改聚散足悲傷去春承顏日猶賀氣力強歸程杏南北離恨  
惱寸殤疾病違躬慰音信乏使將那知今日來公已臥北邙長吁痛無極  
不語淚滿眶積善必有慶德門宜大昌歌竟復歎息斜陽獨彷徨

又 昌寧曹聖一

孝夫配李婦事親憂最深一室專其美死生世共欽

又 光山盧慶坵

交情世分自相親薰德多年幸處仁今也則亡何所仰二郎能繼出天真

又 鳥川鄭枋號三清堂判齋

夫公誠孝世稱賢恨未從遊瓊槐前衰俗凜然知景慕人心同有秉彝天

又 恩津宋煥箕號性潭諡文敬公

遺躅山陰欲酌泉傳名忠孝百千年生庭玉樹多餘慶一理昭昭有上天

又 族孫得天

先公百行已陳前緬日追思感淚泫賢季忽焉須莫歎省親泉下喜無邊

又 濟州梁學點

宅兆移卜古亭前緬禮今當感淚泫旌異世無公道久揄揚他日屬誰邊

又 濟州梁學楫

爲人子者孝爲難夫孝猶難婦孝難孝子家中孫又孝一門綱紀併三難  
祭文

尹德昌

嗚呼痛哉公之歸化眞耶夢耶呼之不應叩之聞無非夢而眞也公何遽  
至此也仁者必壽老者先死理所當然而以公之仁孝不得其壽以我之  
老髦未死哭君天者實難謹理者不可信也嗚呼追憶往事淚更沾臆東  
槐亭上初與君遇一披肝膽兩心相照但聞公之孝至矣盡矣未見公之  
孝天感鬼佑至庚戌之正月初三日曉頭有叩門之聲開戶視之公立雪  
中顛倒問故則曰以親病尋醫來此蓋梁晋標過歲於耳村而歸艾谷矣

我與公偕往逢醫問之則答以明曉寅卯時用藥云忙步歸路耳村川邊落淚潛歎曰此水中必有魚而爲子不肖不得供母余曰大夫人思川魚耶曰親雖不言而平生適口故偶爾發之余慰之曰誠之至極天必感之此時冰塞川流無路得魚送公至踰屯峙矣翌朝見隣人丁生取魚盈篋予自語曰此天必假手而給全孝子也余持傳公先問病候則小有差效云公喜動顏色烹煮進之患候復常厥後與公語及當時事予曰夜深風雪不遠時刻藥在近地而然耶公答云即路往邑內校村皆無藥旋向光州時適風雪路迷忽有一人叩余前路因指光州玄路曰藥已製矣到醫家果如其言製藥不差一品歸而試之果得差效云爾旋即曰先人常戒夜行咸恐母知故無使妻孥有知余即曰諾還家自歎曰此人實古今天下未聞底孝也爲父叩冰藥魚自出爲母泣魚人即冰而進魚深夜指路者決非人也非鬼何以知光州藥已製之事也夜鬼指藥尤極異事此與泣竹生筍生蛙墮鑄古今感應如合符節大哉孝也此言曾及於梁生員采之氏當時隣邑頗多知之矣訃告遽至病未即赴哭負罪實大以吾所目擊鬼感指道一段人雖未盡知然天知神知我知公知我不欺人公不愧天狀公之行若不入此宗爲可惜故不憚支煩略陳始末公之子孫庶咸記之否耶嗚呼孰無父母公獨知父母孰非人子公獨爲人子天倫知者惟公一人生受 國恩死垂芳名壽享耳順子繼父道人間地下似無憾恨而夫何使我疇依日暮道窮無與立談白首痛哭摠爲私已嗚呼人間已矣相從不遠早晚青山更論此心謹將一盃以表情索伏惟英靈降鑑微誠

又 鄭禹瑞

嗚呼我於君姻親兄弟也春風秋月披露心肝百年交誼結以生死那知幽明路異棄我先逝與誰依倚君之至孝家風有厚君有賢妻垂老之齒君有二胤徽音是嗣感天至誠同心血指有是父兮且有是子也待人接物常有和氣嗟吾善卿宜無所愧皇天下恤竟入九地千悲萬恨言不可記自失君後漸至憔悴泉臺他日庶可陳叙碧溪水咽山亭雲翠靈輻旣駕哭私莫追物薄情深神其格只一盃奠罷千古訣矣

又 朴胤星

嗚呼哀哉公以問世之質鍾出天之孝事生送死誠敬旣盡禮義俱備往古來今得孝之名不爲不多而如公者幾希則誰將與儔況賢閭之孝閭闈所罕有而年未笄孝已聞干歸拜姑行固卓爾宜淑女之配君子也兩美齊休猗歎天實相只誠孝所致神人俱感鄉邦交薦 天褒乃降則孝行實迹已載於公私之章以吾愚迷之淺見何敢容喙乎噫晚生異鄉雖未得見平日奉親孝敬之節而以所聞於鄉隣有可以仰陳一二以余觀公聰明剛毅貌古而神清質朴而行篤外無矯飾之態內全忠恕之實獨處則簡重寡默接人則欵曲勲厚治家以敦睦教子以義方爲人謀而盡忠處已事而廉介家索貧窮惡衣惡食不爲恥而泰然自樂勤勉篤實朝

耕夜讀不以爲苦天然眞實之性兢業戒謹之行自見於日用動靜之間者何莫非孝中流出者哉古人有言曰父母全而生之子全而歸之可謂之孝不虧其體不辱其身可謂之全一舉足而不敢忘父母一出言而不敢忘父母尤驗公之孝之全也嗚呼公常爲余而誦用天之道因地之利勤身節用以養父母曰人道當如是吾味此語公可謂心得而躬行矣嗚呼我兄於公舅甥也嗟吾先伯依公同居七八年之久調護教誨靡所不至不幸甲子秋吾兄先逝初終襄祥公皆自擔儀節罔不盡誠孀嫂至今欲報其德粉骨難忘復何言哉音容永悶便成千古病不得聞信歿不得聞訃葬不得臨穴身且有病今始來哭哀號塞臆情溢辭蹙靈若有知降歆慈解

又 族孫得天

嗚呼公何遽至於斯也孝是爲仁之本而公之孝出於天則公非仁人乎仁人必壽理之固然而公之壽止於六旬仁者必壽果安在哉嗚呼以公之仁孝必享期頤之壽而遽至於斯而莫余追使余抱無涯之痛韓子所謂理不可推而壽不可知者誠非虛語也嗚呼公於族孫服已窮而情至親也居隔嶺而地不遠也而汨於世故不得源源承誨常以是爲恨矣今年春拜公於邂逅而旋別夏初又進軒下而請質疑義爲公堅挽以止宿遂與二胤一夜侍坐情話欵々翌日歸後未幾遽承凶音伊時一拜孰知爲千古永訣耶嗚呼公之病也漠未聞知公之沒也訃車差遲殯已成矣春風和容今無以瞻望愷悌溫言今無以承款嗚呼已矣嗚呼已矣只與二哀失聲痛哭於衆生之前英靈不昧應有感於冥冥之中矣嗚呼族孫今日之痛自有迥別者七月即吾曾祖妣忌日而家大人亦以是月棄不肖公之喪又出於七月大何禍之殃之於吾門者前後一致歟嗚呼公與吾親既若子姪之親而俱逝於一月之間言念及此不覺淚迸而胃塞也嗚呼我公眉宇軒昂志氣清明襟懷恢廓雖在窮約處之泰然事親色養爲主躬耕竭力供盡子職溫清定省喪致哀祭盡誠至矣公之孝也曾氏所謂生事以禮死葬以禮可謂孝矣者非公之謂歟推及於行已酬人則疎遠親戚有靄然敦睦之和微細事物有毅然義理之分揚人之善隱人之惡處已處人一任天真少無驕矜自銜之態公之名至聞於九閩而特蒙蠲復公之孝出於天而感於人者誰將與儔乎且公之夫人未歸亦以孝聞于歸併公給復公之疾篤也二胤俱以指血收效是何一門之內四孝咸萃眞可謂是夫是婦是父是子也昔司焉公之居洛數家化之公之所居必多觀感之風則世教之有所賴於公者倘復何如哉山陰泉石即吾世庄仍作世阡而八代分派之後子孫零替散居各地惟公保守先基禁護先塋凡諸享祀靡不用極公之奉先之誠有如是也且公臨歿命二子曰親喪貧不校心是吾平生至痛吾死之後勿用尺帛公之終身之慕又有如是也且公嗜好憤典供職之暇經史百家無不涉獵每遇族孫請討奧義尤於易之吉凶消長辨別淑慝多所發明此公之行有餘力之

所學也公常曰吾門衰微誠可痛心子孫幸繼述先祖而有所興起則吾門可昌而吾君幸有文吾兒幸有筆自今益勤其業以振家聲此吾所望也嗚呼若使吾等不克踐其訓則豈不爲公之罪人也耶嗚呼訃車所到鄉人嗟惜曰斯人云亡吾鄉不幸此可以見公也嗚呼明日乃公即遠之日也親戚咸萃良朋皆會而哭之盡哀洋洋左右有所降鑑二胤極嘉善繼善述又有賢抱之稱家公又何恨櫟月依依悲風颯颯一盃奠哭心肝欲裂略陳所蘊以洩哀臆靈其有知庶格薦苾

莪谷全公年譜

公姓全氏諱禹昌字善卿號莪谷人稱山陰處士全孝子全氏系出天安公之九世祖尙書公始居于瑞石下麓昌平山陰河至高祖以孝行薦爲定陵叅奉考諱聖道有孝行妣延州玄氏

肅宗大王十七年辛未十二月二十六日○公生于昌平北面尋芳洞寓居生有異姿狀貌超凡

十八年壬申 公二歲

公之小字始以富喜稱之而及其稍長人皆改稱以父喜盖感其孝之能喜悅親心而取義也

十九年癸酉 公三歲

二十年甲戌 公四歲

二十一年乙亥 公五歲

二十二年丙子 公六歲 按遺稿中有曰丙子之歲時事堪涕曰余不肖年甫五歲公生于辛未則至丙子爲六歲而今於遺稿云五歲此未可知也竊意生辰十二月二十六日勅辛未之日不多月大則三日月小則三日也述其幼小時堪涕之事故以年甫五

歲言之若不然則後必誤書也○隨父母移居于山陰洞舊址○遭祖妣柳氏喪祖妣嘗患丹毒公之父親方求文魚爲藥而未得焉風雪中忽有鳥含三脚文魚墮前人以爲孝感

二十三年丁丑

公七歲○自幼有秉彝之性至七八歲已盡愛敬之道雖於白厠必隨父母暫不離焉

二十四年戊寅

公八歲○父親嘗患瘡疾而以官糶被繫冷獄所患加重 公入官泣訴願以身代其時縣令趙候最感其言而憐之特許代囚及其歲未還債無路辨納以他人例受撻楚六七度當凍之中兩餒脚浮痛父親聞之力疾往見于獄門外 公拭淚痕而應對自若略無痛楚之色欲見撻處則以權辭答之曰初無杖痕終不出脚示之盖不欲傷父之志而諱之也獄囚之人皆稱歎不已及除夕始得放釋時冬雨大注川滿沒橋臨水揮泣行人憐之負而濟之時夜將半距家尚遠歷入路傍人家其人哀其衝寒跣足饋餅溫而挽止使宿焉公曰思見父母一刻爲急

何可經宿於此乎胃雪觸寒間關歸侍按面任報狀及需狀皆以九歲時言之而今考遺稿有云戊寅

之冬官糴急促又云八歲之兒豈忍重刑以此觀之則戊寅八歲時丁寧無疑也竊意戊寅除夕始得放釋則其翌日乃己卯九歲也自其後

傳播其說膾炙人口而以九歲童稱美而然歟父親嘗得死雉於松林之中將欲灸喫之公在傍曰自斃之物恐有致毒不可食之乃奇其言而還棄之

二十五年己卯

公九歲○親患瘡症彌留三年一心殫誠救護備至每當隆冬症崇彌欲常帶憂色暫不離側手按痛額懇勸糜粥少有思食之物不憚冰雪裸身入水捉魚以進或有難得之味心誠求得於遠近親知之家人多感其誠而推與之○家甚貧寒窮居峽谷只種維穀索乏眞味恐其不適於病親之口秋穫之時拾禾穗於田野以供糜粥之糧○受業於鄭公諱弘周號月溪鄭公命賦詩公應之曰春風自東來千山草木長鄭公評曰仁者之象又曰月白明天下鄭公評曰名滿四方之象

二十六年庚辰

公十歲

二十七年辛巳

公十一歲○月溪鄭公弘周曰嗟爾小子年纔一旬餘能知孝於親之道聞者莫不喜悅今世之成人蓋莫能及也以詩獎之曰汝年纔十一能解孝親心莫向傍蹊沛須從正路尋又曰斗屋終朝雪柴門盡日風多情竹林子來訪月溪翁又曰爾在山陰洞吾棲谷口天往來頻問字交誼即佳篇

二十八年壬午

公十二歲○每夜靜後出庭拜北辰祝曰老親無恙萬壽無疆冬則以身溫被夏則必扇枕席

二十九年癸未

公十三歲

三十年甲申

公十四歲○正月初父親患腰腫症勢危重醫云若得龜而餌之庶可有回蘇之望而冰雪塞川何可得用也公聞而即出垂泣潛索於澗邊忽有雙龜從巖石中泛出掬而急歸用之有效聞者嗟異之○七月初六日風憲李時遇約正梁萬之以實行報于本官其時縣令閔侯聖魯題曰今見報辭父喜以鄉曲髫齡之兒能盡爲子止孝之道誠有令人興感處其年歲今幾何近日閒暇時面任於父喜處以此意言之使之入來也○冬親患又欲憂惶涕泣廢養禱天時時嘗糞甜苦以驗其差否十二月二十日父親捐世當其殞命之際斷指灌血於口良久無效更欲絕他指再試之母夫人執手奪力曰一指之血已無及矣更斫何益公泣曰親若回甦雖盡十指吾何所惜乎母子泣持之間傍人已臯而復矣因氣絕仆地不省人事隣近聚觀省莫不抑塞悲咽○二十二日面任又報于閔侯閔侯答曰父喜平日孝行既出於天又當父病危

急之時其救護醫藥奔走呼泣之狀實出於天性至於斷指一欸尤非人人之所可及者聞來不覺罄折於悒之至此等節行隣里所當齊聲論報以爲旌表未爲不可官家無以相助米十斗錢三兩紙三束等物賻送隣里及一鄉章甫之聞風者亦必系此隨力相救以爲收屍之地則其爲斯文之幸將復如何哉以此意遍告云云又送金瘡藥一丸治寮血指又令面任造靈室

三十一年乙酉

公十五歲○四月二十日行襄禮哀毀盡誠感動隣里社約廳賻租二石葬之日忽有一氣怨雲如月穠々郁郁繞靈筵三日不絕○是歲公患痘疫母夫人勸之以肉味以保元氣而終不食之

三十二年丙戌

公十六歲○夢見李先生必培梁孝子致龍問父親安在答云以天官壽紀之任處於安閒之地勿慮焉因抱扶而泣發聲忽覺其後未知壽紀之義搜覽諸書則佛書盤若經序有此說曰以公直之人任此以正人間壽命也壽紀之說既在佛書之虛誕則以公之純孝似不當於是夢然<sup>○</sup>之所思夜必發於夢公之平日所思惟切於其親

靈魂之安寧則思發於夢而知其安處者其理固然而可見其誠心之篤矣豈以夢寐之眞境而然乎哉九月十四日面任

又報本官其時縣令尹候志源題辭轉報次到付云○十二月行大祥鄭月溪祭文曰吾友聖徵兮質淳心良事親極孝兮至誠感應友愛兄弟兮白首同盤一生貧窘兮青氈業薄携家入山兮先隴之側鑿飲耕食兮數畝園田爰得其所兮期老林泉嗟余未路兮幸托深交一曲清溪兮詩酒相邀可惜斯人兮天何速奪追懷往事兮心自惻但聊將一語兮庶慰冥漠茁彼庭蘭兮能傳緒業童年至孝兮血指其誠芳名所及兮人皆驚歎魂若有知兮到此無憾顧我蔑學兮爲師愧漸倘成才華兮以酬知己我有郢曲兮誰與唱酬我有草堂兮誰與淹留日月流邁兮奄及再晷一盃奠罷千載無期

三十三年丁亥

公十七歲○二月行禫祀凡居喪哭泣哀慕之節無異老成之人遠近無不悅服焉

三十四年戊子

公十八歲○娶同福士人張邁龍之女張氏生于己巳七月初一日自兒時天性至孝年十四斷指以甦病親公之斷指在其越二年甲申也需狀較公之斷指同年而只爭月日云者誤書也 及其于歸又爲孝婦恤親戚供賓客惟順夫子之意人以爲以孝配孝并美匹休誠非偶然

三十五年己丑

公十九歲

三十六年庚寅

公二十歲

三十七年辛卯

公二十一歲○娣氏出嫁隣洞經年抱病公不計夜朝來往救之或請來于家罄所有而供藥季妹生計且艱必躬往盖屋堅籬如是者二十餘年未乃率來同居以慰母心

三十八年壬辰

公二十二歲

三十九年癸巳

公二十三歲○五月十九日同福儒生河望道等上書于同福倅略曰內西面學堂村張遇龍有男女數三而男則尙幼女則年纔及笄其不於年前九月不幸有病展轉沉痾糜粥藥餌躬執不怠呼泣禱天靡不用極今年三月添劇奄奄續息將絕自斷其指流血入口其父已絕之息固得三日之壽血指未蘇又能被衰殫誠朝夕饋奠其夫全禹昌亦以孝行昌平鄉人曾有報知營門已作一道所共知之孝則古所謂兩美匹合者此也伏乞閣下報營門以爲 上達旌表云云同福倅答曰張氏誠孝已悉於面任報狀今此多士之齊籲如此當轉報營門○閏五月十七日同福完文張氏孝行枚舉報營則營題云孝行如此誠爲可嘉道內此狀非一二續續 啓聞亦有所未安爲先自本官特蠲戶役以爲激勸之地云云茲於面任處下帖除減張氏家戶役完文成給其時監司柳公賻送米一石

四十年甲午

公二十四歲○九月二十四日同福儒金震相等又以張氏實行上書于營門靜請 上達旌表

四十一年乙未

公二十五歲

四十二年丙申

公二十六歲

四十三年丁酉

公二十七歲○四月同福縣監徐宗圭送白米一石焉

四十四年戊戌

公二十八歲○六月本倅鄭候昌震送白米一斗石魚一束○十一月鄉中書報于趙候略曰全某秉彝之性出於天賦云云尤所奇者其妻張氏亦自兒時誠孝出天年纔十四斷指救父及其于歸事姑至孝此所謂兩美相合無愧古人者也同福士民曾以張氏實行齊籲於營邑有所褒美者矣惟其夫婦誠孝之相得實非偶然茲以并錄其若而之行而以附焉答曰轉報次到付十二月鄭候因多士狀舉實行報營門

四十五年己亥

公二十九歲

四十六年庚子

公三十歲○六月初八日○肅宗大王昇遐公有詩曰三百年社稷五十歲君王 龍馭賓天日臣民痛恨長每當國忌必三日行素

景宗大王元年辛丑

公三十一歲○冬特 下復戶之 命給公與及張氏各五十卜合一結

二年壬寅

公三十二歲○五月縣令李候錫仁送白米二斗黃肉一斤又送米二斗肉一斤酒二鎔又所耕一結及一歲牟還除之又饋米二斗肉二斤而來訪見之又饋燒酒二鎔米一斗肉二斤又升差益山時送米二斗民魚一尾又自益山送蟹醢十介米二斗石魚一束

三年癸卯

公三十三歲○九月初七日日本官完文全生員某非但無率丁與他士夫自別烟戶之役及其他雜役一併除減以示官家別樣優待之意

四年甲辰

公三十四歲○正月初六日本官以復戶事報營門營題曰宣惠廳題辭及禮曹 啓下文書姓字以金字書之更加詳查以報查報則營題曰全金二字字畫幾同明是誤書之致論報禮曹云云公受復戶之日貿布作衾以進慈夫人因吟曰青青布衾覆我老親是誰之賜使君之惠使我老母庶幾無寒使君指閱候聖魯也

英宗大王元年乙巳

公三十五歲○二月十二日呈單于本官略曰民性本愚迷又昧知識幼失所怙未效全親之誠老母臨年蔑有奉養之道一無近似猥竊稱道以至惹人譏笑措躬無地恒切慚慙非意 城主閣下過聽虛偽之稱特施老之政累下甘蠶之具年前既除田結及烟役且減牟還罔極之恩擢髮難報當以不敢當之意仰陳辭謝而竊自念尊貴者賜之賤卑者有不敢辭之義故趨趨未果民之愚昧到此極矣益增悚懼之除今又伏聞自 朝家有田結復給之命此說一播遠近駭聽如民蔑々無似者蒙此前古所未有之 恩典尤不勝惶恐隕越之至民受此名萬萬不稱猥濫極矣無謂甚矣天必降灾人亦嗤罵決不敢晏然承當伏願閣下特察謬妄之狀難安之勢報于上司收復戶之令以安微分云々縣令李候答曰至行卓爾有此給復之 朝命縣令不可私自防闕勿爲辭讓安心受之○十九日又呈答曰 國家整樹之 恩典官家何可私自還收乎勿爲煩復安心受之○三月初三日又呈答曰累次遜辭尤極感歎○朝命官家不可還收已悉於前狀勿爲煩控安心受之○九月初七日上書于營門懇乞 上達還收復戶答曰至行之卓爾曾已聞知而今觀所訴尤極感歎 國家整樹之異 恩不可遜辭安心受之○又再呈于營門答曰 國家別漾旌褒之 恩典

不可遜辭勿爲煩復安心領受

二年丙午

公三十六歲○二月十五日又呈于新官辭謝復戶縣令姜候必龜答曰卓爾之行一鄉齊報 朝家特爲給復則今茲遜辭尤可見行儉之超衆也勿爲煩控安心受之○十二月十三日又呈于朴候壽仁答曰至行之卓爾令人感動 國家整樹之 恩典不可固辭奉行 朝命安心受之○八月龍宮縣監鄭公諱湜饋大口魚十尾銀魚十尾北魚一貼簡紙十幅扇與筆墨

三年丁未

公三十七歲○八月二十五日即

景宗大王初忌也公有詩曰 聖駕今已遠蒼梧但雲霧無情是日回哭罷夕陽暮○十二月朴候饋清酒二鎔白米二斗黃肉二斤又送米二斗鷄一首

四年戊甲

公三十八歲○八月縣令柳候滄饋米二斗鷄一首碧魚一束清酒二鎔又躬枉見之

五年己酉

公三十九歲○慈夫人有病問藥於本邑樂局乘夜忙歸路至星山距家五里許昏墨迷路不辨咫尺忽有螢火羣集如炬照耀前導故老傳說至今稱道

六年庚戌

公四十歲○正月以慈夫人病問藥於同福醫云趨明曉寅卯時用藥則得效云乘夜急還之際行到水邊落淚潛歎曰此水中必有美魚爲子不肖不得供母也時友人尹德昌字壽而咸平人避世于同福沙村護送在後曰誠之所至天必感之而此時冰川何可得魚因至中路而分焉尹友歸家翌朝早起有人多捉鮒魚於水邊歎曰此天必感全孝子昨日之言而有所假手也即買取而朝往饋焉其夜公自福川來因往十五里將製藥以其無材料轉向光州夜心雪積不分去路誤入一谷有人云此非去光州路須左行速去藥已製矣因忽不見至藥局果有已製之藥無錙銖之異焉即還及寅卯時煎用得效又以尹友所饋之魚助口味而漸蘇焉

七年辛亥

公四十一歲○冬慈夫人患候時縣令金候漢昌賑錢二貫珍羞一盤

八年壬子

公四十二歲○五月金候又送白米二斗黃肉二斤焉

九年癸丑

公四十三歲○冬遭內艱虎踊盡哀亦如前喪初終盡禮供奠必親金候賻送白米十斗白紙三束黃燭一雙及其葬時又賻米二斗酒一海

又來吊焉役丁亦感其孝齋糧以來竟晷盡力焉

十年甲寅

公四十四歲○小祥已過猶不止朝夕哭

十一年乙卯

公四十五歲○禫後三日始輟疏食

十二年丙辰

公四十六歲○每對人有語及父母則輒涕泣嗚咽自居憂以後至于易簣而無不如是焉

十三年丁巳

公四十七歲○十二月本倅尹候天和饋清酒二鎔黃肉二斤又送石魚一束燒酒二鎔

十四年戊午

公四十八歲

十五年己未

公四十九歲

十六年庚申

公五〇歲

十七年辛酉

公五十一歲

○八年壬戌

公五十二歲○六月本倅趙候溧補饋白米二斗扇二柄又移遷全州府使時送石魚二束扇二柄○十二月林候聖憲饋清酒二鎔碧魚二束

十九年癸亥

公五十三歲

二十年甲子

公五十四歲

二十一年乙丑

公五十五歲

二十二年丙寅

公五十六歲○十二月尼山縣監吳公諱大經饋沈蟹十五介

二十三年丁卯

公五十七歲

二十四年戊辰

公五十八歲

二十五年己巳

公五十九歲○公深感 國恩之至重而賦詩曰至微至劣老林泉受國恩來四十年感極于心終未報常呼萬歲暗祈天又曰願移一國臣

民命欲繼吾王萬歲壽

二十六年庚午

公六十歲○十二月本倅金候相輝饋清酒二鐺脯一貼又燒酒二鐺石魚一束又枉駕來見

二十七年辛未

公六十一歲○六月本倅李候儁徽饋白米二斗○七月初八日公以痢症不幸捐世方其病勢之危重自知難救乃以奉先孝接賓恭居家悌之言戒二子而氣息奄奄將欲強起詣祠堂拜辭而不能自力命其子開其所臥北牖着冠服扶持向廟而拜因就席而氣甚促二子夢竟夢尙俱斫指灌血于口開睜視之曰命已盡矣用血何益又戎數語而就盡是日遠近宗族哭之盡哀閭里鄉黨皆曰孝子亡矣咨嗟流涕焉縣令李候賻送白米二斗粘租三斗白紙二束空石二十立○八月十六日生員李胄玉等上書于李候請論報營門轉達九重以行旌閭答曰全孝子至行之卓爾曾已聞知而今觀所報不但其行義之感動神明而孝子孝女萃於一堂之內令人感惻其在彰暢善之道固當褒揚一世永樹風聲從當報營遂詣營門以告○九月十五日就先隴負丁之原而附葬焉從其志也臨壙之人殆過數百而知與不知皆題挽而哀之李候賻麩米釀酒給官軍助力○十九日子夢亮夢尙呈單於本二日民之父生時自朝家以孝行特給復戶五十卜民父以今七月初八日棄世來頭復戶自官還收敢此含哀仰訴本倅依施先是公難安於復戶恩典而累呈營邑懇請還收而未得故常教其二子曰吾死後即當還納云故今纔過襄禮而呈單還納也○十二月初十日本倅李候臚陳其行迹以報營門營題日縣令所報如此可知其實行之可信無疑而狀聞事體有難經舉更當商量處之

甲戌十月道內多士上書于營門請狀聞以爲旌閭答曰全孝子卓爾之行聞甚感歎狀聞體重更當商量處之

丁丑九月二十六日張氏捐世十一月十三日葬于應峯良座之原十八日子夢亮夢尙呈于本倅還納五十卜復戶本倅依施

庚辰二月縣令閱候百祚以行蹟論報營門請○上達旌閭營題日孝行雖曰卓爾狀聞體重姑待商量○三月道內多士又上書營門請上達旌閭答曰孝行與烈義俱用嘉尙而申聞體重不得許施

壬午十月本倅柳候漢猷論報營門請啓聞旌表營題日啓聞次到付其後遶任未果

正廟庚申三月道內多士上言於巨動時懇乞旌表啓下禮曹禮曹回啓曰全禹昌夫妻孝行俱極嘉尙而給復之典已是特恩加施旌閭太無限節今此上言極涉煩猥置之何如傳曰允其後多士與本倅累報營門而皆以○登聞之體重終不許

施

從古孝行之炳炳朗朗耀人耳目而洎後世傳誦稱美者何限其人而愚未見如全氏家繼世不匱之孝也 公之高王考以孝薦爲 寢郎其先考兄弟俱著誠孝親濟有飛鳥墮魚之異及其二子克繼家庭皆斫指濯血逮至其孫亦斷指廬墓有白燕之來巢猛虎之護衛而樵與牧叟名其洞曰侍墓洞一草一木戒勿剪伐噫自高祖至其孫凡七世也七世相傳之孝雖往牒古乘之所載愚未之見也而況以全公之孝配張氏之孝併美匹休一心純至而誠之所透幽冥之鬼神指路無知之微物效異至誠感應之理信乎其不齟矣今其玄孫杞持其如干文狀示余曰以若實行終未獲綽楔之旌而漫汗遺籍竊恐日後之泯沒無傳請撫實采錄爲年譜一帙臧諸家而示後裔余辭不獲不揆愚僭略叙其大槩以爲爲人子者止於孝之柯則焉

崇禎四丙辰三月上澣烏川鄭 瀟謹撰

莪谷全公行狀

全公諱禹昌字善卿號莪谷天安氏百濟功臣歡城君諱聶爲鼻祖歷累世諱樂諱忠達封大安君諱洪述封寧山君諱武康諱忠佑封歡溪君諱文肅諱世住封天城君諱文靖諱仁亮封天陽君諱武節諱昇封寧平君諱文忠諱信是栢軒先生官密直司諱文孝五世封君六世美諱當時稱貴姓諱希安工部尙書諱允昌兵部尙書諱新民兵部尙書麗訖與杜聞詩賢誓以罔僕自靖世稱瑞隱先生子諱仁德恭讓王朝除丞旨 藝朝登極復以丞旨果徵不起承述親志逃入瑞石山中以終天年惟我 定宗大王有 教若曰全仁德拔乎流俗守經不回眞君子人也賜號清節大哉王言儘俟百世而不惑者也於公八世以上也高祖諱景淵孝慶定陵叅奉曾祖諱僦祖諱時燮考諱聖道與伯氏昌道事母盡孝母患丹毒方求文魚風雪中烏含三脚文魚墮前人以爲孝感妣延州玄氏繼之女兵部尙書德秀之後以 崇禎周甲後辛未十二月二十六日生 公于昌平北面尋芳洞寓居公自幼有秉彝之性五歲隨父母移于山陰舊址七月歲已盡愛敬之道雖於白厠必隨之八九歲父患瘡彌留三年一心殫誠救護備至每當隆冬症崇采欲常帶憂容暫不離側手按痛額勸進糜粥少有思食之物輒不憚凍雪捉魚以進或有難得之味心誠求得於遠近人多感其意而推與之家甚貧寒且居窮峽只種雜穀索乏眞味患其不適於病親之口秋穫日拾禾穗以供粥父嘗得死雉以灸在傍輒曰物之自斃恐有其毒父奇其志而還棄之父以官糶被冷繁獄瘡疾加重公以八歲兒入官泣訴願以身代其時趙候憐而許之至被笞楚兩脚浮痛父聞之力疾往見則拭淚痕應對自若略無痛楚之色欲見杖處以權辭答之終不出脚示之除夕始得釋適冬雨大注川滿沒橋臨水揮泣行人負而濟之時夜將半距家尙遠歷人路傍人舍其人哀其衝寒跣足饋餅湯使之留宿則曰思見父母一刻爲急何可經宿觸險冒雪艱關歸侍

受業於鄭公弘周鄭公以詩贈之曰汝年纔十一能解孝親心十三歲父患腰腫遍身浮膿醫云若得龜而餌之庶有回蘇之望而冰雪塞川何可得用公聞而即出垂泣潛索於澗邊忽有雙龜從巖底出掬而急歸用之有効聞者嗟異之是冬末父病又劇憂遑涕泣晝夜扶衛廢食禱天時時嘗糞甜苦以驗其差否及其將絕斷脂灌血良久無效更欲截他指再試母執手奪刀日一指之血已無及矣更斷何益公泣曰父若回甦雖十指吾何所惜母子泣特之間傍人已臯而復矣因氣絕仆地不省人事隣近之人莫不飲泣執喪哀毀無異成人地主閔候聖魯聞而感歎出米錢紙而賻之喪時瑞氣繞靈筵三日不絕是年經痘疾母勸之以肉終不食其奉慈母甘旨之供孝數之心長而彌篤又得孝女張氏以爲之婦夫婦盡誠極其色養戊戌冬鄭候昌震因多士狀舉實行報上司辛丑始下復戶之命公夫婦各五十卜公告狀于官辭謝而不見報給復之日貿布作衾以進因吟曰青青希衾覆我老母是誰之賜使君之惠使我老母庶幾無寒每夜靜後出庭拜北辰所祝只老親無恙萬壽無疆八字而已冬則以身溫寢夏則必扇枕席妹氏出嫁隣洞經年抱病亦不計夜朝往救之或請來于家罄所有以供藥季妹晝夜哭後生計且艱必躬往蓋屋堅籬如是者二十餘年未乃率養以慰母心親患嘗製藥於本邑藥局乘夜忙歸昏黑失路忽有螢火羣集如炬引路庚戌春以母病問醫於同福趁明寅卯時用藥云故乘夜急還到水邊落淚潛歎曰此水中必多美魚而爲子不肖不得供母尹友德昌護送在後曰誠之所至天必感之而此時冰川難以得魚因至中路而分尹友翌朝早起有人多捉鮒魚於水邊歎曰此天必感全孝子昨日之言而有所假手也即以物易魚而朝往饋之其夜公自福川來因往十五里地將製藥以其無材料轉向光山夜深雪積不分去路行至一谷有人謂曰此非去光州路須左行藥已製矣因忽不見艱以得到藥局則果有已製之藥即冒雪還及寅卯時煎用得效癸丑冬竟遭艱號踊盡哀供奠必親亦如前喪葬之日役丁齋糧以來竟晷盡力其小祥後猶不止朝夕哭譚後三日始輟疏食與人語有及父母輒涕泣人爲之廢食其十九年之間每日如此辛未七月得痢疾症甚危自知難救乃以奉先孝接賓恭居家悌之道甲甲戒二子初八日朝氣息奄奄欲強起往辭於祠堂而不能自力命其子開其所臥北牖扶持向廟而拜因就席而氣甚促二子俱斫指灌血于口開眸視之曰命已盡用血何爲又戒數語而就盡壽命甲子一周也卒之日遠近宗族哭之以哀閭里之人皆曰孝子亡矣齋嗟涕泣如親戚以其年九月望日就先墓負丁之原而耐焉從其志也臨壙之人殆過數百而知與不知皆題挽而哀之夫人張氏同福士人遇黃之女年纔及笄父病猝劇煎藥之道祝天之誠窮晝夜不懈至於屬續斷指進血而其父已絕之息復延三日之壽同福士人河聖道等再三聞官歲甲午有按使蠲役之文于歸亦爲孝婦恤親戚供賓客惟夫子命生二男二女男長夢亮次夢尙女長適朴啓星次適

金國鳴以賢父母之訓俱爲佳子女公姿性和厚符彩英發其於孝得之天植事父母有順無違務盡愉悅常在膝下不忍遠出雖有累日留外之事一夜後必還新味之未薦者遇於他家亦不食或袖而進庭衛至誠所孚又有天官壽紀之夢推及姊妹友愛篤至訓及妻子家道以正平居鮮急遽之容接人無矜高之色謙約之操至老彌篤夷曠之趣自然出俗尙友千古英雄慕悅諸葛關龐其對人出言言必有章皆自忠孝義理中做出來觀其 龍馭賓天臣民痛長之詠可知忠之切也觀其父母天地恩德罔極之詩可知孝之篤也至若直渡鴨江盡斬北虜若得隊兵進助國家之語及晝夜運行叅以三才格致誠正朝聞夕死之辭則可知義之激而理之窮矣日讀易經若親候不寧推其卦爻預知吉凶經傳諸家無不該博雖不以文士自任而文義之精透詞語之慷慨殆非尋常文人之所可較恒處山陰之幽自消塵世之慮定省之餘躬耕供親夏畦之上蓑衣迎客其心泰然有若自足諸士友每以山陰處士稱之而亦不辭也喪祭之節實遵禮教有小疑礙輒考究講質務得至當耻言人過惡不與較曲直恭以持己非義不受主官之有饋問每陳不當之意夫婦之受復結亦陳還收之狀平生持心恒自抑畏操身應事一稽古訓陋巷安貧宗乎顏弊袍不耻師乎由入厨具甘法乎召南嘗泄祝天效乎黔婁期悲哀三年憂大小連同之夏扇枕冬溫被王氏子如之以一人之身兼古人之行而禮之善物獨在公家至有人鬼相感饋魚指路之異則必得仁者之壽而竟中泄痢之毒理何靡常也其生也一鄉尊之其死也一鄉哀之是亦好善之心有不容自己者歟六十之命非不壽矣復戶之 恩非不厚矣而以稟氣之實修行之篤豈可止於此而已高高彼蒼雖不能延已絕之命而明明我 后亦豈無再褒之日耶公沒之翌月生員李胄玉等舉公之行再甲于本縣縣侯李公謝曰全孝子卓爾之行曾已聞知今觀所報不但其行義之感動神明孝子孝女萃於一門令人感惻其在彰善之道固當褒揚一世永樹風聲從當報營遂詣 門以告因又枚報觀察使曰縣令所報如此可知其實行之可信無疑而狀 聞事體有難輕舉更當詳量處之其聞於 朝而表厥宅湖之士亦將計日而待矣歐陽氏之言曰孝非一家之行表于金石示之後世而歡此亦非立言君子之所宜思其責者耶既葬諸孤賚遺事文狀并親友誄辭來示新克且徵記實之文余以不文辭孤氏泣曰一鄉之士孰非先君子相愛之友而凡事往議亦承遺意今日之請實非偶然余聞而思之與公從遊三十年每相對愛悅講論不厭不知日之夕歸之遲則知公詳而服公深者固莫如余也願不可更辭迺於天憾悲惶之中考其家乘只撮大略而不能節節哀輯若其卓卓事行之不可堙沒者則惟俟夫立言君子之財擇焉時

崇禎壬申復月上澣咸陽朴新克謹狀戊午式生員

莪谷全公墓碣銘

有以篤孝聞於鄉邦與論齊起而未蒙 旌表名湮沒而不稱者莪谷全

公諱禹昌字善卿是己系出天安以百濟功臣歡城君諱聶爲鼻祖屢傳忠達公諱樂天安君子姓仍貫諱洪述寧山君諱武康諱忠佑歡溪君諱文肅諱世柱天城君諱文靖諱仁亮天陽君諱武節諱昇寧平君諱文忠諱信密直司諱文孝五世封君六世美諱他族莫比傳至諱新民兵部尙書麗訖與杜門諸賢誓以罔僕守義世稱瑞隱先生是生諱仁德克趾先美定宗賜號清節於公爲八代以上也高祖景淵以孝薦除定陵參奉曾祖僩祖時變考聖道與佰氏昌道極殫誠孝母患丹毒烏致其樂人稱孝感妣延州玄氏繼之女公以肅宗辛未十二月二十六日生幼有異質行止安靜不喜遊嬉家甚清貧雖不能專意學問而學之本領自無違也孝性天植志體俱養甘旨之供未嘗有闕及父患瘡彌留三年常帶憂容暫不離側勸進糜粥至誠救護每中夜祝天曰老親無恙萬壽無疆若有事食之物輒不憚凍雪捉魚以進或有難得之味盡誠求得於遠近人多感其意而推與之父以官糶被繫冷獄瘡疾加重公纔八歲入官泣訴請以身代主倅許之至被笞楚兩脚浮腫少無怨尤之色甫十四父患腰腫遍身浮膿醫云龜最妙公聞而即出垂泣潛探於澗邊忽有雙龜從巖底出掬而急歸煎進奏效是歲冬父病又劇嘗糞禱天願以身代及其疾革斷指灌血竟遭外艱哀痛過人幾至滅性執禮益嚴不進薑桂儼若老成主倅聞而感歎致賻奉養偏母愉悅承順溫清無怠又得賢配夫婦殫孝極其色養戊戌冬鄭候昌震因多士狀舉報上司辛丑始下復戶之命公夫妻各五十卜受復之日質在作衾以進慈母而頌曰青々布衾覆我老親是誰之賜使君之惠使我老母庶幾無寒推及姊妹友愛篤至嘗於親患製藥於本邑乘夜忙歸昏黑失路忽有螢火群集如炬引路咸稱孝感所致也癸丑冬丁內艱哀動隣里亦如前喪日必展墓雖寒屠潦雨未或廢焉小祥後猶不止朝夕哭譚後三日始撤蔬食與人語及父母輒涕泣至老不衰公可謂終身孺慕者也以孝悌恭謹四字臨終遺訓其子而英宗辛未七月初八日卒壽得一甲也葬于昌平山陰洞先兆下負良之原配鎮川張氏遇龍女肅宗己巳生英宗丁丑卒墓用衛禮幼有誠孝年甫十四斫指進血救延父命三日及歸夫家亦爲孝婦列邑章甫舉狀咸籟於營邑終未蒙褒揚之典識者恨之生二男二女男曰夢亮夢尙俱著孝行當親瘡斫指灌血女適朴啓星金國鳴孫男泰貫泰新泰復亦有孝行斷指廬墓有白鷺之來巢猛虎之護衛鄉人名其洞曰侍墓曾玄以下煩不錄噫公之醇德懿行蓋不可勝書而節窩朴進士新克所爲狀曰平生特心恒自抑畏操身應事一稽古訓陋巷安貧宗乎顏弊袍不恥師乎由入厨具甘法平召南嘗泄禱天效乎黔婁夏扇枕冬溫被王延元如之期悲哀三年憂大小連同之以一人之身兼古人之行也是以其生也一鄉尊之其死也一鄉哀之是亦好善之心有不容自己者歟嗚呼盡之矣數百載之後奚可以改評也後有異事摭記于此每當公之諱辰大虎來守親盡墓祀而乃止嘗於山火將犯公墓群烏忽來沾水滅火

不犯塚上人皆異之日雖微物猶知孝子攸藏感應之理信乎其不齟矣  
今其後孫奇鍾會鍾雲哲謁余以銘固非其人世好難辭隱括其狀使後  
之人知其爲孝子之藏而敬式焉銘曰

一門七孝五世相傳允矣莪谷誠孝出大黔婁侍疾二連居喪異類孚感  
虎來烏防列邑齊籲惜未褒揚何其泯湮識者攸傷我銘于石庸關幽光  
時丙午嘉排節德殷宋在晟撰

孝婦孺氏碑

肅宗三十九年癸巳同福儒生河聖道等舉張氏孝行交薦于本倅其曰  
張籍鎮川父士人遇龍曾已有悼亡男幼不省事有女年十四而怡愉洞  
屬未嘗以一事忤睥親志父病沈痼糜粥藥餌竭力供辦洗滌羣牀盡心  
持潔泣愬蒼天天鑑應徵嘗糞驗症血餌而延縷竟遭大故擗踊號絕哀  
動坊里饋奠手具肌膚皴皺喪卒而無憾保養幼弟助成家業尙未蒙褒  
乞賜報營上啓又於 景廟朝儒生金震相等交籲于道伯而已爲給復  
焉槩與鄉薦同而適人以降即稍有差殊焉日移孝於偏姑養盡志物享  
先豐潔惠鮮貧窶供饋賓客竭精用性惟姑命是遵毫無自專對君子賓  
敬由仁由義而荊于化宜爾室家云君子即士人全禹昌異日鄉里稱爲  
莪谷處士者也天安世閭杜賢之一瑞隱先生新民之後亦以孝聲噪鄉  
黨昌平倅鄭昌震儒生等曾籲于營伯屢賜給復已爲一道之聳觀古所  
云以孝女配孝子匹美齊休矣嗚呼二南之治始於正家而菁莪之化肇  
於壺愨焉使其子弟觀感焉成德焉羽儀王庭施措其蘊抱焉已此所謂  
求忠臣必於孝家者然矣若使公之夫妻自 朝家獎拔教成而化行即  
風化可以醇正而亦有補於邦家之治而世級漸降公道蔑有司不肯啓  
籲聽卑之天逾邈屯膏吝賞移孝之忠無地可請豈惟世路慨乎公之墓  
在潭陽郡南面山陰洞大峯上良坐夫人墓附右今焉天柱傾地維頽呼  
籲無地后孫會鍾同庚舊要也以余知其家德顧與謀曰先祖即遺稿刊  
布其志行可傳祖妣即無可以籍手寧治珉揭德峙于羨門令人膽式雲  
仍羹壇庶可以慰在天之靈余曰不亦善夫愧無筆力不能揭徽於彤史  
是可恨也繼以銘曰

天高地下四尺隧延魄歸士兮精爽在天日月照臨兮是惟孝婦張孺人  
之阡

歲舍丙午棗蔚山金堯謹撰

鄉儒上籍倅書

生員李胄玉等謹齊沐上書于 城主閣下伏以凡爲人子孝親之道苟  
有一節卓爾之行猶可以暢善褒美而至於天生至孝曲盡子道自幼至  
老終始如一者此所謂純孝比諸一節之行尤有所難能者也本縣南而  
居士人全禹昌天生篤孝自六七歲已知事親之道鄉隣莫不奇異之其  
父嘗患虐疾彌留三年一心殫誠調救備至每當隆冬病症尤劇常帶憂  
容暫不離側或有思食之物則不憚凍雪捉魚以饋其父嘗得死雉將欲

灸啖禹昌輒言日物之自斃恐有其毒其父悟其言奇其志而還棄之亦可見稚兒爲親之誠不凡也九歲父以官糴被囚冷獄瘡疾加重入官泣訴願以身代囚至被重楚兩脚浮痛其父聞力疾來至隔門獄招見則拭淚痕舉止自若略無痛楚之色者然終不出示其杖處蓋慮致傷父意而諱之也其時獄囚相與傳說而歎異之除夕始得放釋適冬雨大注川漲沒橋雖欲急省病親而無奈何臨水揮泣行人憐而負濟時夜將半距家尙遠歷入路傍人舍其人哀其衝雪跣足饋以餅湯挽以留宿則不肯日思見父母一刻爲急何可經宿因觸險冒雪間關得歸此莫非愛親之至誠發於所性而然也十三世其父重患腰腫遍身浮濃幾至死境醫云若得龜而餌之則庶有同蘇之望時當凍沍冰雪塞川難以得之無可奈何禹昌聞即出去潛心暗索於澗邊忽有雙龜從出巖底即爲捉歸服之有效遠近咸稱以誠感所致無不嘖々焉是年冬末其父宿病又劇又違求藥晝夜扶衛靡不自盡涕泣禱天廢食忍飢長至一旬時々嘗糞甜苦以驗其吉凶及其隕命蒼黃截指灌血于口良久無效再欲試之方截他指其母執手奪刀曰一指之血已無及矣更斫何益禹昌呼泣而言曰父若回甦則雖盡十指吾何所惜相特詰難之間傍人已臯而復矣因以氣絕仆地不省人事隣近聚觀者莫不抑墓悲咽至其執喪哀毀無異成人其時地主閔候聞而感憐特加褒獎優給米錢紙束等物以賻之其奉慈母甘旨之供孝敬之心長而彌篤娶同福張氏女張氏亦自兒時孝誠出天年十四亦斷指而延父命以孝聞於官有所褒美者也以孝子配孝女同事老母夫婦殫誠極其色養夫子所謂樂爾妻孥父母其順矣乎者政謂此也嘗於母病問醫於同福趁明曉寅卯時用藥云故乘夜急還適到水邊潛歎曰此水中必有美魚而爲子不肖不得供母也有友人護送在後曰誠之所至天必感之而此時冰塞川流無路得魚因至中路而分其友人歸家翌曉早起則有多人捉鮒魚於水邊歎曰此天必感全孝子昨日之言而有所假手也即以錢易魚而朝往饋之其夜禹昌自同福還來因往十五里地將製藥以其無材料轉向光州夜深雪積不分去路行至一谷有人謂曰此非去光州路也須左行速去藥已製矣因忽不見艱以得到藥局則果有已製藥即爲胃雪還及寅卯時煎藥得差又得友人尹公諱德昌字壽而咸平人避世于同福沙村人稱行義雪裏贈魚助其口味而漸蘇焉雪夜指路預告製藥冰灘得魚朝饋病饜意者至誠所格有此人鬼之想感歎古之惑粥之鬼感冰之魚亦有其人無其理則已既有其理則禹昌之行必當並美於千古豈不異哉前後 城主聞其孝名或往見或問遺而不絕甲辰年間因巡營 啓達自 朝家特施給復之典以表異行則每以不敢當之意呈訴官門而既 賜之典其還收乎恒切目愧云矣不幸今年七月初八日偶得病以逝世之日自知難救招其二子夢亮夢尙語之曰吾之命今將盡矣洗吾面着我衣吾將往辭祠堂蓋其平日朝夕展謁家廟事死如生之至誠至死彌篤之致也猗歟賢哉二子如教扶持開北牖望見祠堂

稽首拜辭因以就盡二子罔極抽刀斫指一猶難矣而斫而又斫指節無餘血灌于口赤暈遍身似有生道數刻延命開眸回視曰命已盡矣用血何益戒其子數語而從容就盡痛哉痛哉爲人子斫指者何限而其二子之一時俱發若非薰陶其父之至誠則何能如是乎夫其夫婦及二子之斷指者盡萃於一室之內此豈非有是夫有是妻有是父有是子者耶如此卓爾之行古所罕聞今而幸見則其可泯沒無著耶見禹昌之誠孝者莫不有養親之心聞禹昌之風聲者無不思盡子之道至於兒童走卒皆以全孝子稱之若非其至孝之感通神明豈能致此乎此其生前爲行若是其至而今其沒也倘無褒揚之典將何以勵衰俗而興 聖化乎茲敢齊聲仰籲城主教是另加 叅商全禹昌純孝之行論報營門轉達 九重以行旌閭之地爲只爲

李候僑微題辭全孝子至行之卓爾曾已聞知而今觀所報不但其行義之感動神明而孝子孝女萃於一室之內令人感惻其在彰善之道固當褒揚一世永樹風聲從當論報營門事○辛未八月十六日

鄉儒生員李胄玉 高應直 鄭 栢 林 薰 鄭就河 柳益和

崔鳴旭 羅錫佐 鄭 根 高守謙 李胄仁 宋啓運

幼學梁洞之 柳震星 高應仁 梁學謙 金得瑞 朴新克

朴台晟 朴台憲 林柱旻 吳重胄 吳甲源 徐必謙

羅景益 曹 泳 吳濟源 羅亨佐 曹 涵 吳重源

朴 璨 高復謙 丁鶴壽 李性命 梁學點 朴 璨

李達中 羅一佐 林 點 奇宗焯 金商久 安萬勳

金健豪 鄭日煥 高萬成 徐以孝 蔡碩徵 南彥成

鄭履煥 高道謙 吳命俊 朴 楨 朴來漢 梁學儉

高錫謙 玄宇龜 金鼎鉉 金商采 曹命恒 金呈瑞

李齊樟 曹聖龍 梁學憲 梁學魯 金商柱 朴世久

蔡碩福 鄭 杓 曹命屋 金汝鐸 徐以悌 盧大玠

朴昌漢 吳復源 朴新泰 李時完 玄奎徵 丁猗壽

金 石 朴 瓓 玄若河 蔡應龍 李晋喆 李匡喆

蔡之淑 徐必臨 蔡之源 蔡慶屋 鄭德壽 尹思周

曹錫尹 盧鎮邦 玄德常 吳益三 蔡日休 柳東齊 等

昌平縣令書目

縣令自到任以後固已聞全禹昌孝行之卓異而每欲一番報聞於營門是在如中同禹昌身死後本縣多士齊會校宮咸曰全孝子之孝親實行不但感動神明其日用之間克殫子職至老彌篤則殆古人所謂純孝者也此而無旌褒之舉則無以勸人子孝親之心於是乎臚陳其行跡閭境齊訴是如乎第觀近來虛僞成風實行難究縣令另加探問則一與狀中辭意鑿々相符無一毫過美之事而及其葬也四隣士子咸來執紼不請送輓則於此可驗其至行感服人心也其生也既有 朝家給復之典其

死也又有二子趾美之行則如此至孝不可泯沒而止茲以舉實牒報而  
同多士之呈狀監封上使爲去乎道以俯燭實狀 狀聞旌褒培植風化  
斷不可已也是乎等以緣由牒報爲臥乎事狀 辛未十二月初十日  
巡使題辭縣令所報如此可知其實行可信無疑而狀 聞事體有難輕  
舉更商量處之事

全孝子戶奴完文

右完文事段孝子之事親至行根於秉彝至老彌篤不惟感動神明孝女  
孝兒萃於一家之內不勝感歎及其沒也即遠論狀雖未及狀 聞旌閭  
自宮不可無彰善之道故烟戶雜役特爲永減以示尊尙之意向事  
壬申正月 日李候其時以持平 歸

昌平居生員李胃玉幼學梁學點等謹上書于 巡相閣下伏以凡爲人  
子孝親之道苟有一節卓爾之行猶可以暢善褒美而至於天生至孝曲  
盡子道自幼至老終始如一者此所謂純孝比諸一節之行尤有所難能  
者也本縣南面居士人全禹昌天生篤孝自六七世已知事親之道鄉隣  
莫不奇異之其父嘗患瘧疾彌留三年一心殫誠調救備至每當隆同病  
症尤劇常帶憂容暫不離側或有思食之物則不憚凍雪捉魚以饋其父  
嘗得死雉將欲炙啖禹昌輒言曰物之自斃恐有其毒其父悟其言奇其  
志而還棄之亦可見稚兒爲親之誠不凡也九歲父以官糴被囚冷獄瘡  
同福還來因往十五里地將製藥以其無材料轉向光州夜深雪積不分  
去路行至一谷有人謂曰此非去光州路也須左行速去速去藥已製矣  
因忽不見艱以得到藥局則果有已製藥即爲胃雪還及寅卯時煎藥得  
差又得友人之雪裡贈魚助其口味而漸蘇焉詳見於尹公祭文中雪夜指路預告  
製藥冰灘得魚朝饋病饑意者至誠所格有此人鬼之相感歎古之感粥  
之鬼感冰之魚亦有其人無其理則已既有其理則禹昌之行必當並美  
於千古豈不異哉前後城主聞其孝名或往見或問遺而不絕甲辰年間  
因 巡營 啓達自 朝家特施給復之典於禹昌夫妻各五十卜以表  
孝子孝婦之異行矣不幸辛未七月初八日偶得病以逝年六十一也及  
其病重自知難救死之日欲強起往辭於家廟而不能自力因命開所臥  
北牖扶而向拜從容就席而死其二子夢亮夢尙俱斫指灌血于口則開  
眸回視曰命已盡矣用血何益戒其子數語而就盡爲人子斫指者何限  
而其妻與子至誠盡萃於一室之內此莫非禹昌誠孝之所致葬後呈訴  
本縣還收禹昌復戶五十卜是年冬本縣多士齊聲具陳于地主李候以  
爲轉報 營門冀其 啓達大門而其時 使道未久遶歸故至今遷延  
未聞有旌褒之舉多士之顛望抑鬱到此益切與遠近列邑多士敢此聯  
名更籲於 使道觀風察俗之下爲去乎伏乞 叅商全禹昌特異之實  
行不以一節之孝視之而 狀聞 九重以爲旌閭褒善之地爲只爲巡  
使題辭全孝子卓爾之行聞甚感歎是乎矣 狀聞體重更當商量處之  
向事 甲戌十月 日

生員李胄玉 梁洞之 徐必謙和順 柳 浹

進士梁學淵 曹 泳 曹命恒 柳頤寬

幼學梁洞之 吳重源 李匡喆潭陽 李德坤 林柱旻

崔鳴旭 南彥成 宋玉鉉 羅景益 李胃仁

疾加重入官泣訴願以身代囚至被重楚兩脚浮痛其父聞之力疾來至隔獄門招見則拭淚痕舉止自若略無痛楚之色者然終不出示其杖處蓋慮致傷父意而諱之也其時獄囚相傳說而歎異之除夕始得放釋適冬雨大注川漲沒橋雖欲急省病親而無奈何臨水揮泣行人憐之負而濟之時夜將半距家尚遠歷入路傍人舍其人哀其衝雪跣足饋以餅湯挽以留宿則不肯曰思見父母一刻爲急何可經宿因觸險冒雪間關得歸此莫非愛親之至誠發於所性而然也十三歲其父以重患腰腫遍身浮濃幾至死境醫云若得龜而餌之則庶有回蘇之望時當凍沍冰雪塞川難以得之無可奈何禹昌聞即出去潛心暗索於澗邊忽有雙龜從出巖底即爲捉歸服之有效遠近咸稱以誠感所致無不嘖々焉是年冬末其父宿病尤劇憂遑救藥晝夜扶衛靡不自盡涕泣禱天廢食忍飢長至一旬時時嘗糞甜苦以驗其吉凶及其隕命蒼黃截指灌血于口良久無效再欲試之方截他指其母執手奪刀曰一指之血已無及矣更斷何益禹昌呼泣而言父若回甦則雖盡十指吾何所惜相持詰難之間傍人已聳而復矣因氣絕不省人事隣近聚觀莫不抑塞悲咽之其執喪哀毀無異成人其時地主閔候聞而感憐特加褒獎優給米錢紙束等物以賻之其奉慈母甘旨之供孝敬之心長而彌篤娶同福張氏女張氏亦自兒時誠孝出天年十四斷指而延父命以孝聞於官有所褒美者也以孝子配孝女同事老母夫婦殫誠極其色養夫子所謂樂以妻孥父母其順矣乎者政謂此也嘗於母病問醫於同福趁明曉寅卯時用藥云故乘夜急還適到水邊落淚潛歎曰此水中必有美魚而爲子不肖不得供母也有友人護送在後曰誠之所至大必感之而此時冰塞川流無路得魚因至中路而分其友人歸家翌曉早起則有人多提鮒魚於水邊歎曰此天必感全孝子昨日之言而有所假手也即以錢易魚而朝往饋之其夜禹昌自丁鶴壽玉果 許 復 曹 涵 高應仁 朴昌漢

張應斗 高應直 梁學魯 朴新泰同福 金德彥

柳益和 羅錫佐 光州 奇復勳 丁慎仁 高守謙

梁學謙 高 堉 金國鳴 柳震星 梁學點

奇宗燦 河大潤 朴新克 高得謙南平 朴胤星

吳重胄 李性命 宋 純等

進士梁學淵等謹齊沐上書于 巡相閣下伏以云云

題辭孝行與烈義俱用嘉尚而 申聞體重不得許施事 庚辰三月日

進士梁學淵

幼學羅景益 曹命恒 徐必謙 金大鳴 鄭 栢

吳潤源 金 礪 朴悌東 梁洞之 高萬升  
奇宗煥南平 朴胤星 曹 涵 金商柱 金 石  
宋台屋 高應直 奇復勳 朴章漢 洪得文  
柳益和 李性命 李晋喆 和順 柳頤寬 高守謙  
梁學謙 吳宅源 林天祿 柳震星 曹命屋  
梁濟人 鄭起宅 朴新克 金得瑞 金翌  
張南斗 曹 泳 朴台憲 朴新彥 潭陽 李德坤  
崔鳴旭 金商采 朴台文 宋大鉉 李胄仁  
鄭 杓 生員 朴虎瑞 朴延益 梁學魯 梁學憲  
李匡喆 宋玉鉉 朴昌漢 羅錫佐 徐必臨  
李泰坤 丁麟壽 丁鶴壽 李胄立 玉果 許 復  
高道謙 梁學儉 柳震升 張應斗 羅一佐  
金健豪 吳泓源同福 丁慎仁 崔鳴學 高得謙  
羅得弼 朴最獻 鄭日煥 梁學點 朴鎮元  
金德彥 吳甲源 鄭震煥 朴希祖 宋德祖  
南彥成 梁濟川 光州 高得重 寶城 金延甲 金汝鐸  
朴新泰 金國鳴 順天 河大潤 丁極壽 梁濟星  
高 培等

幼學吳潤源等齊沐謹上書于○城主閣下伏以云云

閱候百祿題辭全孝子懿行觀此齊籟殆令人欽歎若使泯沒則實爲慨  
惜當轉報營門向事

幼學吳潤源 朴世漢 徐以默 高時沃 高萬升

金 礪 崔鳴學 朴希祖 柳震星 奇復勳

梁濟屋 梁洞之 李 杰 金 砧 羅舜佐

鄭運河 朴 璘 丁極壽 鄭日煥 梁濟星

曹命恒 丁德華 羅得弼 羅稷佐 柳震升

李胄立 金汝鐸 吳泓源 朴慎元 等

昌平縣令書目

縣令自到任以後訪閱邑誌備知境內節行而其中孝子全禹昌及其妻  
孝婦張氏之卓行尤令人聳歎是如乎今者 釋菜罷齊日一鄉多士以  
狀申之曰全孝子之孝親實行不但感動神明其日用之間克殫子職至  
老彌篤則殆古人所謂純孝者也孝婦張氏之在家爲孝女婦後爲孝婦  
此實爲今世罕有之至孝也此而無旌褒之舉則無以勸爲人子婦孝親  
之心於是乎臚陳其行蹟閭境齊訢是如乎弟觀近來虛僞成風實行難  
究縣令更加探問則一與狀中辭意鑿々相符無一毫過美之辭是遣果  
男子孝親固是美事而女子之孝於舅姑乃是絕世之行也其生也茲有  
朝家給復之典其死也累有多士請褒之狀則如此至行不可泯沒而止  
茲以事實牒報而同多士呈狀監封上使爲去乎 道以俯燭實狀後孝

子全禹昌及其妻孝婦張氏至行狀聞旌褒培植風化斷不可已也緣由牒報狀 行縣令閔百祿巡相朴道源題辭孝行雖曰卓爾狀 聞本非容易之事姑待量處事 庚辰二月 日

社約廳書目

伏以凡爲人子孝親之道苟有一節卓異云云

同福官題辭今觀行蹟其卓異可知當轉報營門向事 壬午七月 日

幼學梁洞之 曹命恒 鄭 栽 鄭佑天 鄭運河

梁學灝 梁學海 吳甲源 梁學魯 梁濟川

李匡喆 蔡之淑 鄭世煥 林泰基 鄭日煥

梁濟屋 盧鎮邦 等

幼學梁洞之等齊沐謹上書于 城主閣下伏以凡爲人子孝親之道苟有一節云云

柳候漢猷題辭全孝子張孝婦可謂兩美配合古亦稀有而豈意僻邑遐鄉有此卓異之行博問鄉里公議頃又指點古閭官今新到而不勝感歎是去等況此本邑多士豈欲泯沒孝子孝婦之生前給復死後已爲還收則法宜○旌閭而以垂永世苟轉報營門姑俟宜當事

昌平縣令書目

縣令爲文報事故孝子全禹昌及其妻孝婦張氏云云與本狀同

壬午十月 日行縣令柳

巡使題辭 啓聞次到付

幼學鄭在泰等謹再拜上書于 城主閣下伏以江夏黃童孝著扇枕而太守劉公表以巽之南鄉楊女誠極搢虎而長吏孟君褒以旌之則若夫有誠孝之人出乎流俗者必爲採撫不使埋沒固是政典之急務也本縣故士人全禹昌及其妻張氏之純孝至誠較諸黃楊相去不遠而鄉人之齊籲本官者八本官之牒報上司者五道儒之呈于棠營者六請于繡衣者三矣其所題答罔不欽豔而終以登聞之體重置而不論迄末旌褒吁其惜乎斯人也沒已百年而公議雖騰 盛典尙關抑豈獨古有縣官之自薦而今無誠孝之可聞哉禹昌即文孝公栢軒先生之十二世孫判書新民之九世孫孝行參奉景淵之玄孫也孝友相傳家法已著其父聖道事親盡誠母患丹毒文魚當劑而風雪中有烏含文魚之異事至於禹昌以孩提良知早服庭訓纔及九齡其父患瘡彌留三年救護一心每當隆寒症勢采欲常帶憂色暫不離側若有思食之物雖是難得之味必極力供具不憚凍雪長事擊鮮家甚貧而田亦瘠所農只是雜穀不堪供粥餌則躬拾遺乘以備漚瀦其父嘗灸死雉從容傍稟曰自斃之物恐必有毒父奇其志而棄之此可見髫齡愛親之至誠也其父嘗以糶愆被繫冷獄禹昌入官泣訴願以身代官憐而許之終致重楚兩脚浮腫父聞而往見則拭其淚痕舉止自若略無痛楚之色父欲見杖處則權辭以對終不示之蓋慮其傷父之志也滯囚之餘歲除始放而適值大雨水漲橋沒雖欲

急歸可無奈何隔水號泣有人負而濟之時夜將半距家尚遠歷入路傍人舍主人憐其觸雪跣足饋以餅湯欲爲挽宿則曰思見父母一刻爲急何可經宿乎因衝夜跋涉歸尉其親世豈有九歲兒之若是純孝者乎十三歲其父重患腰痛遍身浮腫累瀆死境醫云若得生龜庶望治療而冰雪塞川人力難求禹昌出門號泣◆澗窮索忽有雙龜從巖底出拾而忙歸用之立效見者異之以爲匹美王祥之鯉焉是冬父病又劇憂遑扶衛靡不用極涕泣禱天至廢食飲時時嘗糞驗其吉凶及其殞命蒼黃截指灌血于口良久無效更欲截他指其母執手奪刀曰一指之血已無及矣更斷何益禹昌泣言曰父若回甦雖斷十指何敢忍惜相持詰難之際已樂而復矣因氣絕仆地幾乎滅性斂殯之後哭擗無節結廬墓前以畢祥晷始終如一日噫世或有斷指廬墓者而曾未聞十三歲兒之能如是卓異也以若至孝執喪哀毀無異成人遠近悅服而其時 閔候聞而感歎優給米錢紙燭等物以贖之其奉慈母也甘旨之供孝敬之心長而彌篤娶同福張氏女張氏亦自兒時誠孝出天年十四斷指甦親以孝聞官有所褒美而自 朝家除搖給復者也以孝子配孝女同事老母則夫婦之盡誠色養不問可知矣禹昌嘗母病問醫於同福地醫云趁曉用藥則得效云故乘夜急歸渡勿染川而泣歎曰此江必多美魚而以我不肖未得供親云爾則有同行一友人在後聞之嗟歎不已時則冰塞川鉤無緣得魚而友人近宿早到則有人適多取魚於禹昌垂泣之處故自歎曰此天必感全孝子昨日之言而假手于人也即買魚朝往饋之厥夜禹昌自同福即往他處製藥而以其無材料轉向光州之際夜深雪積不分前路行至一谷有人曰此非去光州路也須左行速去藥必已製矣因忽不見乃至藥局則果有爲他人已製之藥而無緇銖異焉即持歸趁曉煎用效若醫言兼得友人所饋之鮮助其口味而漸蘇則吁其異哉雪夜持路有神人之預告製藥冰灘感魚有友人之朝饋病饌者其非至誠所格人鬼相應者耶其時 巡使採探輿情之所稱誦即爲 啓達自 朝家特施蠲役之典給復各五十卜於禹昌夫婦則禹昌屢以不敢當之意呈官不受終不得辭則以其給復貿希作衾換米供旨而每以自愧之說對人不輟一自永感之後有人語及其親則輒涕泣而悲不自勝人亦爲之廢言此亦可謂終身慕者也喪祭之節一遵家禮或有窒碍處則必考講質務得至當此所謂生事葬祭之必以禮也禹昌長逝之日自知難救招二子夢良夢尚而語之曰吾命將盡矣洗吾面着吾衣將辭于祠堂二子扶持開北牖而望見祠堂稽首拜訣因以就盡二子亦抽刀斷指斫而又斫指節無餘血灌于口赤暈遍身似有生道數刻延命禹昌開眸回視曰命已盡矣用血何益戒子以奉先孝接賓恭居家悌之道從容奄忽鄉人皆曰全孝子亡矣齋咨涕泣如悲親戚葬之日臨擴者殆過數百而知與不知皆題挽而哀之若其他友愛之篤接人之茶齊家之道皆自孝字中做出來而其忠君愛國之誠亦出於天性每當 國忌必行素三日嘗作詩曰願

移一國臣民命欲繼吾○王萬歲壽又四言詩曰直渡鴨江盡斬北虜若  
得隊兵進助 國家云者眞所謂求忠必於孝子之門者儘非誣語也嗚  
呼槩論斯人之終始其所以入厨具甘旨法乎邨南冰天感魚龜類乎王  
祥夏扇枕冬溫被黃氏兒如之期悲哀三年憂大小連同之嘗糞禱天古  
之黔婁歟斫指灌血今之石珍歟泣官庭而代囚忍痛感神人而指路製  
藥等事溯求往牒亦所罕有者也以一人之身備兼諸子至至孝又有張  
氏婦之純誠則凡在旌褒之典宜無不可且禹昌非獨於身親行之其二  
子亦能斷指廬墓夢良之子泰貫兄弟亦皆灌血居廬則一家四世之孝  
尤可爲叔世矜式而以此卓絕之行終無綽襖之旌者豈不爲昭代之一  
大欠典乎禹昌夫妻身沒後已收復戶則旌閭之舉固其次第事也而因  
循泯沒終不顯彰則是黃香之家埋沒蓬蒿楊娘之門顛倒繩瓮將至於  
後人無聞而能不爲劉孟兩賢之所差也耶民等茲不敢泯默相與詢謀  
齊聲仰控于 孝理仁政之下伏乞細加炤察勿以人微廢言勿以歲久  
爲辭特爲論報 營門使全氏四世之孝得以旌閭以爲樹風聲勵頹俗  
之地千萬幸甚 癸刻十二月 日

題辭孝行之卓異極爲欽歎尙未蒙○旌閭之典豈無所恨乎昨日略陳  
事狀報于 營門向事

幼學鄭在泰 金德身 高時舟 禹濟遠 李敬祚

高善謙 金載岳 梁錫圭 吳佰源 閔復華

金 鑰 朴光龍 柳道貫 柳震文 金樂佑

柳興淳 奇商億 梁錫孝 金穰洙等

昌平幼學吳相贊等齊洙再拜上書于 巡相閣下伏以夫道也者誠而  
己矣非誠則僞也誠者實理之謂而天所以賦人者則五常之所以爲五  
常百行之所以爲百行非誠則皆爲也雖然誠僞混而眞贗眩眞贗眩而  
賢愚莫辨此莠盛則苗益沒礫衆則玉不現之理也夫僞者乍明旋滅誠  
者愈久愈實古人所謂公議待百載而始定者豈欺余哉生等以百載未  
伸之議萬口和比之論質之於鄉黨父老稽之於公家往牒無一毫私僞  
於其間者爲 閣下誦之本縣故士人全禹昌之孝孝之實者也實故誠  
誠故感感故通通故應人應之而服之於心鬼應之而著之於事以至乎  
昆蟲蠢動之屬莫不應之而效其靈焉誠感所召異事非一而當是時有  
見而知之者有聞而知之者父兄艷稱而子弟傳誦之文人記錄而鄉遂  
習知之耳濡目染心悅誠服至于今百有餘年赫赫然照人肝肺章甫之  
齊齋于地主者十二地主之牒報於上司者九道儒之書訴於棠下者八  
往在英廟甲辰道臣啓之 聖明優之復禹昌戶以褒賞焉猗歟盛哉  
列聖朝孝理培養之澤至衣盡衣而若禹昌者應時而生歟其孝養之梗  
槩昭載於疊聯往牒積成券軸生等不必覩縷疊床支離說去而其致感  
而著異者蓋四焉王祥可二股保可雙而禹昌之孝所感者旣非一二則  
雖謂之以王祥而兼股保未爲過論也其年十三父病求龜號泣於澗濱

而雙龜出於積水之中此爲孝感一也母病求魚臨水發歎而友人相感而送魚此爲孝感二也親病製藥夜黑失路而鬼神指路螢火前導一則孝感也二則孝感也人應之者一神應之者一蟲應之者二則向所謂兼王殷者亦兼叔謙之感神而猶有餘矣若夫年在髻鬢裸身踏冰獵魚供親入官泣訴以代父囚此非氣質之稟拔于凡類者則自幼而善安得若是其卓異乎十三歲之嘗糞截指居喪盡禮黔婁不得專美於前而大小連不必有優於此矣中夜禱天介親之壽於古有乎無乎 國忌三日感泣行素於史著乎未乎噫其零節細行猶屬於一鄉善士之修己而推其事親之心移於愛君藹然之瑞溢發於辭表其詩曰願移一國臣民命欲繼 吾王萬歲壽禹昌一匹夫耳其愛君之心果以世祿而於溢辭乎抑亦媚君而感其吟乎躬耕於野而既無世祿不求於達而與世相違顧此詩胡爲而驀然發乎情耶噫爲此詩者其知道乎夫八而孝於親出而忠於君其理一也二之則僞也忠之於孝如鳥之有兩翼如車之有兩輪可以舉一而知二不可偏廢而單行惜乎使禹昌以其事親之心移而事君則王蠋之墓可封段干之閭必式而刺史不以聞董生之行夫孰之之弦歌未嘗廢原憲之樂獨善於身嗟乎豫柎荆篠不遇大匠則不能成材藍玉越金不遇良工則不能成器惟天之降才如是也而或隱而不現或藏而不用者抑氣數不齊耶蟠木無緣耶嗚呼傳曰君子之道造端乎夫

婦天之生禹昌之孝而無禹昌之配則是天道有陽而無陰也是故婦人張氏十四歲斷指而延父命較禹昌之斷指只爭月日宜乎配禹昌而與禹昌同孝於舅姑也是故 英廟嘉之并其夫而特施給復之典於戲俾也可忌 先王之獎孝而敦俗也源清之水其流必潔蟠根之木具枝必茂信乎禹昌之子亦孝而方禹昌之疾革也臥北牖而扶持含血淚而辭廟于斯時也二子夢亮夢尚抽刀斫指弟難兄難斫之又斫指節無餘使幾死之父赤暈遍身開眸回視曰命已盡矣斫之何益世之人或曰禹昌之子固如是禹昌之孝推可知矣噫嘻夫孝爲人子者各孝其父各孝其母是各人之自己分內事則有何人見之而感而服之鬼知之而感而應之物感之而著其靈焉此其故必有以也世級漸降人心滋僞不能自有其孝悌之天者十居八九從古及今苟或有性其性而天其天者則至誠所感必有其應故易之咸曰觀其所感而天地萬物之情可見矣程子曰感通之理知道者默而觀之可也肆以凡民之有孝感者明王哲辟必表而揚之閭而旌之史氏記之惟我○先大王克明此道 命撰五倫行實敦化而勸俗以三十三孝子揭之於篇首使吾東方億萬無疆之臣民當如是而後能盡其爲人子之道大哉我 先王明人倫立天網之盛德至意也假使禹昌不生於今而生於古亦當劊劊之而弁于五倫行實之首無愧於三十三人也今我 聖上繼 先王之志事啓初元之至治率八域以仁而民興仁率八域以孝而民興孝如日其明無幽不煥凡有血氣

之屬莫不鼓化咸熙而有一傷倫悖教者則自分其無所容於覆燾之間不兄詔之師友勉之互相勸勵幾乎成俗而苟有近古之士隱德不彰側陋末揚則輿僮陞鬱有識歎惜咸曰時乎時乎某人可褒而伊誰褒之某人可揚而伊誰揚之天若聽之天心感之而階乎天在乎人人不欲言之則天不可階也嗚呼今 閣下上以承堯舜之命古之鮮牧也下以宜文王之化今之召公也堯舜之民非群牧則無以盡其情於堯舜文王之德非召公則無以布其化於文王之民是知以堯舜爲君以文王爲君而非群牧非召公則一民之隱一士之行堯舜安得以聞之文王安得以知之顧今禹昌之孝其屋可封而尚不得封之是以堯舜之民而不得蒙堯舜之澤爲文王之民而不得被文王之化是豈堯舜文王無所憾於博施歟有司者不能以群牧召公而自處之故耳地主之以禹昌事聞於上司者九也道儒之亦以禹昌事而籲於崇司者八也而輒曰狀 聞體重誘而拒之爲一副當退托之例規舊令尹以傳乎新令尹而新令尹必曰舊令尹之所未爲也舊以傳新新以襲舊非但不感於心輒必攢之於眉曰近來遐士之孝何其衆也何其煩也虛僞成風誠非細慮嗚呼有司者亦安得不然也豈是忽於此而厭聞於此耶此實由乎名實相眩之弊夫名實相眩者文過於質故也文質得中聖人之能事則亦何足道於後俗哉然文者衆而質者掩名者夥而實者泯向所謂莠盛而苗沒礫多而玉理云者正指禹昌之實孝而言也大率爲先而揚美者人心之所固有懇人於褒先者仁情之所難拒則凡爲此等之書者容或有私於其孫而此則向所謂僞也非誠也行之不誠者是慢天也言之不誠者是悖天也雖聖賢復起不易吾言生等讀聖賢之遺經窺聖賢之法門粗能知懼於誠僞之間則豈敢以不誠之言自陷於悖理之科溢人之美而瀆 閣下之聽也嗟呼天道無知於伯道之家而禹昌之孫零丁孤苦行乞於塗西華冬月樵歌正悲使禹昌之墓香火幾絕使禹昌之廬風雨莫蔽行路猶堪咨嗟志士安得不悲生等於頌祝 聖化之際竊念禹昌愛君詩所謂移臣民之命獻萬歲之壽者此雖寂寥一詩語而可見惻恒之誠以南陔而兼天保也生等油然之感觸詩而發追惟其實孝之感通則斯人也宜其綽楔乎此時使其卓異之行不作混紫之朱叅碩之瓊上以體文王止孝之德下以宣堯舜封屋之化表以揭之日故孝子全禹昌之間爲人子者孰不式此伏願 閣下勿以爲不誠之行亦勿以爲不誠之言入乎耳而感乎心默而觀之探而上 聞以爲全禹昌夫婦旌閭之地千萬幸甚

癸未七月 日

巡相題辭全氏一門有孝有烈父傳子承而祝 君一時藹然向日之忱又可見矣人有至誠豚魚可爭此理豈可誣哉狀軸堆積以一力而既不能勝公議亦可見雖係年久待式當另加留念向事

幼學吳相贊 朴顯基 梁錫禮 金才德 金德身

鄭瀛 奇思誠 楊煥 朴光昊 金樂佑

柳興淳 金致潤 羅廷綸 丁龜老 金 鈺  
李昌奎 金載良 鄭 洵 梁錫孝  
梁錫默 李春源 曹煥震 李致白 崔濟崑  
金汝珞 宋載說 曹煥杓 柳震文 鄭 潛  
閔象赫 李敬龜 高時澗 玄 洽 鄭在浩  
金達致 蔡基成 高時舟 禹濟萬 徐廷奎  
柳煥奎 李觀容 李升白 奇普淳 吳 燿  
鄭恒淳等

昌平幼學金德身等齊沐再拜上書于 巡相閣下伏以云云  
庚辰八月 日

題辭一家孝義誠甚感歎採實論報自當有時事  
昌平幼學李敬祚等齊沐再拜上書于 巡相閣下伏以云云  
題辭有實行然後使人感之感之深然後愈久而愈宛今觀狀辭其人可知  
可知勝欽歎曾聞式年有過良可慨歎雖然 朝家恩典已及於復戶業  
已褒之矣雖無旌何損於伊人處事 辛酉九月 日

幼學高時孝等再拜謹上書于 城主閣下伏以云云 丁亥八月 日  
題辭觀此狀辭全孝子卓異之行令人欽歎待歲末當以狀內辭意論報  
營門此狀趁歲末來待宜當事

昌平進士梁學淵等齊沐再拜上書于 巡撫使道閣下伏以云云  
癸巳七月 日

題辭全生孝行聞極嘉尙而筵秦體重當商量事  
昌平幼學梁學點謹再拜上書于 巡撫使道閣下伏以云云  
題辭全禹昌之孝行聞極嘉尙 筵達體重從當商量事 癸巳八月日  
幼學吳相贊等齊沐再拜上書于 巡相閣下伏以云云 癸未八月日

題辭聞極嘉尙從當更加躋實處之事  
昌平進士梁學淵等齊沐再拜上書于 巡相閣下伏以云云  
甲午九月 日

題辭全生孝行誠可敬歎生既復戶死當旌閭此豈當今仍循者待歲末  
當有商量事

進士梁學淵等齊沐上書于 城主閣下伏以云云  
題辭全孝子夫妻行義若是卓異實令人感歎不已其人已沒而前後公  
頌積成券軸不亦可以見士林公議生既爲給復之典則死豈無旌表之  
道商量轉報 營門向事 甲午十一月 日

昌平幼學梁學點等齊沐上書于 巡相閣下伏以云云  
題辭聞來不覺令人欽歎是乎矣 啓聞體重有難姑待採探事  
丙申二月 日

幼學梁學點 金 鑑 房錫鉉 李宅坤 鄭 栽  
羅錫佐 高時沃 朴文漢 羅衡左 進士 朴虎瑞

朴 鉉 朴光赫 李睿翼 盧廷一 柳鎮奎  
梁會福生員 鄭 佶 金載復 朴鎮漢 鄭在謙  
林 熙 李泰坤 金 銓 桑濟星 吳翼源  
曹一相 吳奎源 曹允相 鄭 械 朴希聖  
金 鑄 梁濟博 金天鳴 曹廷澤 進士 羅得華  
金春悅 丁德華 金會鳴 梁濟身 鄭在人  
林泰基 盧命煥 李必成 吳相鼎 曹廷一  
丁道祥 金致光 盧廷澤等

昌平進士羅得華等沐再拜上書于 巡相閣下伏以云云

戊戌八月 日

題辭今觀狀辭不覺欽歎是乎矣狀 聞體重從當量處事

幼學梁學點等再拜謹上書于 城主閣下伏以云云 戊戌七月 日

題辭觀此前後文狀全氏夫妻孝誠之出天可謂罕儔亦可謂世濟其美

自 朝家前既給復而尚未蒙綽楔之典者其歎惜果如狀辭矣當有稟  
報之道姑俟宜當事

幼學鄭瀛等齊沐再拜上書于 城主閣下伏以云云 己亥十月 日

題辭一門四世之孝古亦罕有至今未蒙 旌閭之典實爲久闕待 營

門有教當論報事

又呈本官

願辭全氏之純孝至誠聞來不覺艷歎其在樹風勵俗之道詎綬旌閭表  
節之典而事係重大從大從當量宜報營向事壬寅十一月 日

昌平幼學鄭瀛等齊沐再拜上書于 巡相閣下伏以云々

癸卯正月 日

題辭卓絕之行聞甚嘉尙褒揚容俟公議宜當事

昌平幼學鄭海觀等齊沐再拜上書于 巡撫使道閣下伏以云々

題辭配匹之間雙孝并摯推以裕昆弟兄齊名苟非修齊之攸致烏能得  
孝而又孝世濟其美也啓聞事體莫嚴莫重詎可以多士一狀之籲不

憚登 徹處事

幼學鄭海觀 李致栢 蔡文漢 徐德心 李炳祖

李廷容 李泰孝 禹奎煥 朴東佐 鄭 鑾

金世淵 閔韶嫻 曹鉉成 丁文老 吳龍圭

吳惠圭 金卓鉉等

幼學梁錫禹等再拜謹上書于 城主閣下伏以云々戊申八月 日

題辭全氏之四世純孝百行兼備足以樹風聲而聳一代前雖蒙給復之  
恩繼世旌褒宜有公議之聳勸當益加博採論理報 營事

昌平幼學梁必弘等齊沐再拜上書于巡相閣下伏以云々

己酉九月 日

題辭聞極嘉尚而狀 聞體重不可遽爾事

幼學鄭瀟等齊沐再拜上書于○成主閣下伏以云々

題辭卓爾百行之源觀諸多士之狀足可矜來許而樹風聲不覺起敬良  
庸嘉尚況復克趾先美世篤懿德褒賞之典豈容少忽乎第當修報 士  
營以俟處分向事 甲寅十月 日

幼學鄭 瀟 梁必生 高龜鎮 梁萬東 梁錫禹

鄭海昇 朴采基 郭喆濟 柳 坡 金德鉉

曹南洪 李教日 高永鎮 李聖奎 金履容

高濟玉 吳龍奎 鄭海益 蔡文漢 鄭 瀾

梁必弘 羅宜成 繪金淵 朴潤洙 楊錫璜

朴東龍 安守仁 金千采 金正淵 朴一基

朴宗源 李教澗 梁萬周 金貞鉉 吳夏圭

昌平幼學鄭瀟等齊沐上書于 巡上閣下伏以云々

題辭卓異之行聞極嘉尚褒揚之典待修○啓時當量處事

甲寅十一月 日

幼學鄭 瀟 光州 金洪稷 羅州 柳祚永 南原李致洪 梁必弘

朴頤休 羅時文 崔相龜 吳惠圭 鄭曾默

崔麟國 尹景鉉 柳道權 柳在潁 朴海一

柳昇龍 蔡文漢 朴文洪 金七杓 黃 杭

曹敬源 高時洪 羅性贊 盧光植 梁必翼

奇思嫻 沈潤之 朴一基 李東一 林天鎮

全羅道儒生進士臣李昌祐等

右謹 啓臣矣段臣矣身等竊伏念人子孝親之道即是分內之事至若  
根天純孝求之古今蓋罕有焉臣矣身等所居道內昌平縣故士人全禹  
昌及其妻張氏即所謂根天純孝者而一門四世之至孝也禹昌及其妻  
張氏尙未有旌褒之○恩屢呈見格公議莫伸故臣等茲敢呼籲於  
法駕之前爲白齊禹昌自六七歲已知事親之道鄉隣莫不奇異之其父  
聖道事親至孝蓋其傳家之孝有所自而然也禹昌年至九歲其父患瘡  
三年一心殫誠暫不離側若少有思食之物雖難得之味至誠求得人皆  
感其意而推與之家甚貧囊負米以供日以爲事其父以官糴被繫禹昌  
入官泣訴以身代囚至被重楚兩脚浮腫其父聞而來見則舉止自若略  
無通楚之色蓋慮傷其父之志也觀者異之除夕始得放還時夜將半冬  
雨大注距家夏遠歷入路傍人舍主人憐其少兒之胃夜衝寒饋食挽留  
則曰思見父母一刻爲急何可經宿即起歸寧十三歲其父重患腰痛遍  
身浮腫幾至死境醫云若得龜而餌之庶有回甦之望聞而即出綠澗呼  
泣忽有雙龜從巖底出來得以用之果效聞者異之以爲並美於王祥之  
鯉焉其年冬父病又劇涕泣禱天嘗糞甜苦驗其吉凶及其疾革蒼黃截  
指灌血于口欲截他指其母執手奪刀曰更斷何益禹昌號泣而言曰父

若更甦則雖斷十指吾何所惜地主聞而感歎優給米錢紙束等物以贖之嘗以母病問藥於本邑十里之地而乘也忙歸咫尺不辨路至星山距家五里餘忽有螢火群集如炬引路故老傳說至今稱道及長娶同福張氏女張氏亦自兒時誠孝出大年十四亦斷指而延父命以孝聞於官有所褒美而自○朝家除徭而給復者也以李子配孝女夫婦之盡誠供母不須提說而可知也又於母病問醫於同福地而醫云趁明曉用藥則得效云故乘夜急還因往十五里地製藥而以其材料之無轉向光州夜深雪積不分去路行至一谷有人曰此非去光州路也須左行速去藥必已製因忽不見得到藥局則果爲他人製之而無錙銖異焉此豈非神且異者耶即爲胃雪而還煎用有效前後地主聞其純孝之名或往見或問遺一鄉章甫之褒呈於地主非止一再地主之論報營邑者積成券軸

先朝甲辰自本道○啓達○朝家特施蠲役之典給復各五十卜於禹昌夫妻其父母俱沒後有人語及父母則輒涕泣而悲不自勝人爲之廢其語此可謂終身而慕者也及乎禹昌長逝之日自知難救招其二子夢良夢尙而語之曰吾命將盡矣洗吾面着吾衣將辭于祠堂二子扶持開其北牖而望見祠堂稽首拜辭因以就盡其二子抽刀斷指斫而又斫指節無餘血灌于口赤暈遍身似有生道數刻延命開眸回視戒其子以奉先孝接賓茶居家悌之道從容就盡鄉人皆曰全孝子亡矣憐之如悲親戚葬日臨壙者數百知與不知皆題輓而哀之蓋此禹昌夫婦入厨供甘旨法乎邵南冰大感魚龜類乎王祥期悲哀三年憂大小連同之其他感神人而指路製藥等事非一節之孝所可比也以一人之身得兼古人之行者夫孰如禹昌之純孝耶禹昌之子夢良兄弟皆斷指而廬墓三年夢良之子泰貫兄弟亦皆斷指廬墓三年白燕來巢猛虎護衛一門四世之孝可爲後世之表準而張氏之孝尤豈非絕世之行也耶以如此卓絕之行而終無綽楔之褒揚則豈不爲○聖朝之一大欠典乎禹昌夫妻身沒之後已收其復戶則旌閭之典固其次第事也而前後營邑皆以狀○聞之體重爲辭是乎等以臣矣身等裏足千里胃死仰達于○黈纁之下爲白去乎令當○聖明在上如日中天凡於孝烈之褒揚無幽不闡無微不顯伏願○聖慈深軫全禹昌及其妻張氏純孝至行亟命有司特施旌閭褒美之典事伏蒙○天恩爲白良結望良白去乎詮次○善啓向教是事望良白丙臥乎事是亦在謹○啓○禮曹○嘉慶五年三月二十五日判書臣李○啓目粘連

啓下是白有亦向前全羅道進士李昌祐等限內現身戶口現納親呈的實是白在果觀此

上言則爲道內昌平故士人全禹昌及其妻張氏孝行請旌褒之典事有此呼籲爲自有臥乎所全禹昌夫妻孝行俱極嘉尙而給復之典已是特恩加施旌閭太無限節今此○上言極涉煩猥置之何如○佐郎臣金

啓依允○右副承旨臣南

進士臣李昌祐臣 朴和植臣 高時舟臣 金載岳

幼學臣李宅仁 金應德 梁錫李 金 鐘臣 鄭演東

李正烈 金穰沫 金樂佑臣 柳泰三 朴光世

柳興淳 金 鉞 柳在濟 梁濟老 梁濟億

盧成龍 李德仁 羅得佐 吳相瑾 尹 ◆

宋益壽 李成三 柳震升 尹 ◆ 宋載文

閔章煥 李圭容 尹德履 朴聖祿 金世鳴

朴光益 張卓明臣 高益燦臣 鄭在昌臣 鄭在浩

臣曹延振臣 崔時仁 尹德恒臣 柳道貫臣 李宗燦

柳三錫 徐昌壽 奇商億 梁道周 孔道翼

崔錫仁 金德身 金聖五 林景日 朴良道

高善謙 盧 稱進士臣 曹翊鉉 沈徽振 閔復華

李基來幼學 曹夏弼 丁啓華 柳震文 李德容

臣金益鈴進士 宋日休 朴光龍 金鼎鎮 李宗簡

臣鄭致煥 梁錫圭 金之璜 吳漢翼幼學 李敬祚

禹濟遠 丁慎仁臣 尹時喆臣 吳伯源臣 李宗楷

臣宋德祖幼學 柳宗業臣 朴鎮網臣 鄭在默臣 鄭烈煥

鄭在泰 金相龍 宋啓春 梁會英 曹萬甲

朴光參 蔡應福 曹啓相臣 金文達等

呈營門狀草

伏以一門四世五孝一烈攷諸遑牒古乘未之或有而況生前給復死後  
褒旌 朝家之盛典也生而蒙給復之 恩死未蒙褒旌之舉雲仍零替  
負薪行歌孝子之宅里墓隧寒烟蕭瑟宿草荒蕪行旗指點而咨嗟涕淚  
曰王蠋之墓未封段干之閭未褒若敖之鬼餒矣噫此曷故焉太史公序  
伯夷之傳曰得夫子而名益彰韓文公作董生之行歎其刺史不能薦夫  
磬中之玉不遇卞和氏無以作連城之珍沙中之劍不遇張茂先烏能著  
射斗之光嗚呼公議百世而始定奇會千載而一時則蓋亦有待乎今日  
也伏惟 閣下斗北令望湖南福星其職則虞廷之岳牧也其政則周家  
之召伯也凡於疏滯振弊之方靡不庸極而雖一善一行之美錄而收之  
褒而揚之况一門四世五孝一烈也耶本縣故學生全禹昌即孝子聖道  
之子也聖道母患丹毒有烏含文魚之異事至於禹昌以孝承孝著爲家  
法纔及九齡其父患瘡三年彌留一心救護每當隆寒症勢添猷常帶憂  
色暫不離側若有思食之物必極力辨具不憚冰雪長事擊鮮家甚貧而  
田亦瘠所收只是雜穀躬拾禾秉以備漚滌父嘗灸死雉從容稟告曰自  
斃之物恐或有毒父感其言而棄之父嘗以糶欠被繫冷獄禹昌入官泣  
訴願以身代官憐而許之終被重楚兩脚浮腫父聞而往見則拭其淚痕  
舉止自若略無痛楚色父欲見杖處則權辭以答不宗之盖慮傷父之志

也歲際始放歸適大雨橋沒不可通隔水彷徨號泣有人負而渡之時夜已深距家尚遠歷入路旁人舍主人憐其觸雪跣足饋以湯餅欲爲挽宿則曰思見父母一刻爲急何可經宿乎因衝夜跋涉不辨咫尺忽有群螢引路故老至今稱之世豈有九歲兒如此純孝者耶十三歲其父重患腰痛遍身浮腫殆瀕死境醫云若得生龜可治療而冰雪塞川人力難冰禹昌出門號泣◆潤窮索忽雙龜從巖底出拾而忙歸用而立效見者異之以爲誠孝所感是冬父病又劇涕泣禱天至廢飲食時時嘗糞驗其甜苦及至殞命蒼黃截指灌血于良口久無效更欲折他指其母執手奪刀曰一指之血已無及矣更斷何益禹昌泣言曰父若回甦雖斷十指何敢辭乎於焉之間已臯復矣禹昌因氣絕仆地幾乎滅性歛殮之後哭擗無節既葬結廬墓前以畢祥晷是果十三歲兒所可能者乎後人傳以爲侍墓洞執喪哀毀無異成人其時地主閔候聞而感嘆優給米錢紙燭以賻之其奉慈母也甘旨之供誠敬之心長而彌篤娶同福張氏女張氏亦自兒時誠孝出天年十四截指甦親以孝聞自 朝家除繇給復者也計張氏截指之日卽禹昌斷指之年也以孝子配孝女乃天定緣耳同事老母盡誠色養不問可知矣禹昌嘗以母病問醫於同福地醫云持此和劑趁翌曉用藥則得效矣乘暮急歸渡勿染川而泣嘆曰此江必多美魚以我不肖未得供親云有一友人在後聞之時冰塞川涸無緣得魚而友人近宿早行則有人適多取魚於禹昌泣嘆之處此必天感於禹昌昨日之言而假手於此人也因買魚朝往餽之其夜禹昌自同福回即往近處藥局製藥而以乏材致轉向光州夜深雪積不分前路行至一谷有一人持示曰此非去光州路也須左行速去藥必已製矣因忽不見仍到藥局則果有爲他人已製之藥而不差錙銖矣即歸趁曉煎用效如醫言兼得友人所餽之魚助口味而漸蘇吁亦異哉雪夜指路有神人之預告冰灘買魚有友人之朝餽者豈非至誠所感神人相應者耶其時 巡相採探輿論啓聞天陞特施蠲役之典給復各五十卜于禹昌夫婦禹昌屢以不敢當之意呈官不受終不得辭則以給復之資貿布作衾換米供餐一自永感之後有人語及其親則輒涕泣悲不自勝人亦爲之廢言亦可謂終身慕者也喪祭之節一遵家禮或有疑難處必就有識而正焉亦可謂生事葬祭之以禮也及禹昌長逝之日自知難救招二子夢良夢尙而語之曰吾命將盡洗吾面着吾衣將辭于祠堂二子扶持開北牖而望見稽首拜訣因以就盡二子亦抽刀斷指斫而又斫指節無餘血灌于口赤暈遍身數刻延命禹昌開眸回視曰命已盡矣斫之何益從容奄忽鄉人皆曰全孝子亡矣如悲親戚葬之日臨壙者數百人皆題誄而哀之若其他友愛之篤接人之恭齊家之嚴皆自二孝字上做出來而忠君愛國之誠溢於詞表嘗有詩曰願移一國國民命欲繼吾 王萬世壽眞所謂求忠臣必於孝子之門者果非虛語也嗚呼槩論斯人之終始其所以入厨具甘旨法乎邵南冰天感魚龜類乎王祥夏扇枕冬溫被黃氏兒如之葺悲哀三年

憂大小連近之禱天嘗糞古之黔婁歟斫指灌血今之石珍歟泣官庭而代囚忍痛楚而慰親集螢火而感物指迷路而格神求之古牒有乎否乎至若祝君之詩雖是寂寥一句語而藹然忠愛之意與天保假樂同一肺腑以一人之身兼諸子之孝而又得張氏婦而配之則可謂有是夫有是婦也且禹昌非獨行之於其身其二子夢良夢尙亦能繼之夢良之子泰貫兄弟亦皆灌血廬墓猛虎護衛白燕巢廬以繼之可謂有是子有是孫詩云孝子不匱永錫爾類其全氏之謂歟噫全氏一門四世五孝一烈卓絕古今而生既蒙給復死未蒙旌褒者茲非昭代之一大欠典歟茲故今年秋本官特爲轉報 營門至蒙欽歎留念之 題教則伏乞閣下將此全氏一門四世五孝一烈 啓聞于 朝俾蒙旌閭之典以爲敦天倫樹風聲之地千萬祈懇之至

華陽書院通文

右文爲通諭事敦尙忠孝勉爲人臣爲人子之道也是故王章設褒揚之典士林有崇奉之舉古今天下不可廢之事也 貴縣山陰村孝子全公禹昌即東國之王祥大小連也堯之華封老人也竊觀孝子歌一篇則忠孝雙全信美乎世矣未知王祥大小連有祝聖之詩華封老人有孝親之歌歟鬼藥螢燈冰龜烏魚天感昭昭青草枯墓白燕巢廬物應的的而祝聖詩句尤爲忠厚惻恒豈不踴哉況其夫人張氏誠孝匹美月日同庚巽哉天出孝子必配孝婦考諸子史採于歌謠未有若此之美也 聖朝之給復少可於慰勉之盛典而猶未盡闡揚之大關鍵矣寧不抑鬱哉然王章猶有少報之典士林尙無崇奉之舉則尙所謂古今天下不可廢之事果安在哉傳聞 貴縣素稱興孝之鄉禹公之享祠曹公之旌閭曾有其例此皆出土林之崇奉而獨於全公公議埋沒于茲百年抑不知百年下士論不如百年前公議乎惟願僉君子勿以年久人後爲廢一依禹曹兩公之例齊發公議則事雖百年人猶今日也若執泥膠則人雖今日事猶百年勿滯公議千萬幸甚 己酉四月日華陽齊任宋錫孝金在應

光州鄉校通文

右文爲通諭事艷德興感人性之所同崇賢祭社士林之常規雖或有一善一行之可稱於人亦尙景仰欽慕之不暇而况出天之誠孝拔俗之懿行允爲百世之矜式者乎竊惟 貴鄉山陰全公即文孝公柏軒先生諱信之十二世孫尙書諱新民之九世孫孝行參奉諱景淵之玄孫也世守家法孝友相傳其天性和順氣稟也清明簡重寡默外無矯飾之文朴古淳質內全忠恕之質處身以廉介接人以欵曲朝出耕夜歸讀怡然自悟於經史之中而尤善於易吉凶消長之理多有所發明焉噫其日用常行之間凡有所云爲者罔不自純孝中做出來則固不能備述於盈尺之紙姑舉其孝感之最著於世者而略言之親患求龜叩冰號泣而雙龜出焉慈癘求魚臨水發歎而友人送之製藥歸路夜黑失路而鬼神指路螢火前導凡此所感匪徒人也遂及於無知之物非徒物也又及於幽冥之

鬼吁嗟乎盛哉其賢於王祥也亦遠衣若夫裸身行野拾穗供親入官泣執以代父囚皆公之髻齏時事也苟非氣質之稟迥出於凡類者安能若是其卓異乎以至於嘗糞截指居廬盡禮黔婁不得專美於前而大小連不必有優於此矣中夜禱天以延親壽於古有乎無乎 國忌三日感泣行素於史著乎未乎推其事親之心移於愛君而藹然之端溢發於辭表其詩曰願移一國臣民命欲繼吾王萬歲壽夫人而孝於親出而忠於君其道一也此所以出於性情以爲詩句則公之美德實行真可謂忠孝兼全矣往在 英廟甲辰道臣啓之 聖上優之特降蠲復之 命猗歟盛矣 列聖朝孝理培養矣澤至矣盡矣噫生時給復既眷 朝家之典則沒後祭社抑非士林之責乎公沒後迄于今百有餘歲人莫不考諸野史習於傳聞照耀耳目心悅誠服則公之可享於俎豆信乎公議之不可泯者也昔韓昌黎以楊巨源之歸不去鄉謂可祭於社則況全公之安貧祗行事親盡孝已爲後人之所興起者乎茲以不揆僭汰之嫌發此先通蓋秉彝好德之心自有所不能已者伏願 兪執事悉此一體尊慕之意爛熳商確以爲躋享於鄉賢祠之地幸甚

丙午十月十五日光州幼學李贊燮

金洪稷 高時洪 高顯鎮 柳泰淵 朴頤休

李東一 朴海豐 鄭基黈 奇師嫻 尹思儉

朴龍休 柳在潁 李輔鉉 李持璜 李京植

朴文洪 金鉉三 金琦鉉 宋興奎

南原鄉校通文

右文爲通諭事夫山嶽之氣鍾於人而爲大人君子鍾於物而爲怪奇珍寶者多矣蓋瑞石山雄據光昌間氣轉大埽精畜五行粵自上昔輩出群賢皆以行誼道德文章著于國中爲一世實者不一其數也今此 貴鄉古士人全公以孝聞于世猗歟盛矣是豈非氣之所鍾在人而爲君子在物而爲珍寶者乎昔韓昌黎歌淮水桐栢山而贈送董邵南則孝如斯人者爲地靈之所毓明矣朱夫子嘗曰孝而後忠忠之所厚爲德德之所用爲道也孝爲百行之源者其非耶全公出天之孝行已悉於 貴鄉先長老褒善之狀不必疊陳在秉彝之心欽仰不已者在髻齏之齡代父滯囚而官感之親患之日叩冰得龜友人送魚莫非天佑之祥而製藥歸路螢火之前導若是神護之事則王祥之鯉陸績之橘不專美於前也至於禱天而延壽嘗糞而截指居廬而盡禮於今罕有之孝而古之人善居喪泣血之誠亦不逾乎此也况涉獵經史工深義易吉凶消長之理無非自悟則其道德之美文章之儲此可見矣而又於一篇詩詠三日 國忌之行素尤觀乎忠愛之溢矣其孝若是其忠如其道德文章又如是則在國家當有綽楔之典而在士林亦豈無俎豆之議乎又况 英廟朝給復之典昭載東史照耀南鄉則尊賢尚德之地烏可無祭社之禮乎生等側居 貴鄉豔慕之久矣而又聞有配祠之議尤不勝欣忱不揆僭越茲以

發文伏願 僉君子俾完大事一而使先哲大孝不歸泯沒一而使後學  
新進永爲矜之地千萬幸甚 丙午正月十五日南原發文

幼學李致洪 尹景鉉 柳昇龍 黃 杓 崔相龜

李尙奎 安宗濂 廬光植 邊圭白 韓在權

柳道行 吳挺源 崔 縉 宋敏和 安奎烈

金漢鎭 李洪淵 金光烈 吳挺翼 尹大鉉

丁克晦 金宗九 河顯馥 金彥淇 房濬箕

崔成大 梁泰容 蘇錫五等

羅州鄉校通文

右文爲通諭事竊惟環吾東膾享俎豆之賢道學也忠節也而道也者孝  
而已矣忠也者誠而已矣誠孝二字天所以賦於人性而爲五常之首百  
行之源故千古歸來能盡其性者莫不有躋享之儀而語其行則無非至  
誠中飽出來也今有篤實之行而尙欠崇報之禮者 貴鄉山陰孝子全

公是已孝哉全公之行不可一一枚舉而至誠所感神人俱依微物效異  
製藥歸路鬼螢前導無愧於董股之實行親瘡求魚河龜呈靈有浮於王  
孟之至誠馨聞士格天復其戶苟非天下之至誠而爲能如是卓行乎猗  
歟盛哉 列聖朝孝理培養之澤至矣盡矣生時給復旣眷 朝家之恩  
典則歿後祭社抑非士林之公議乎茲以秉彝好德之心崇賢褒善之意  
發此通諭惟願 僉執事齊發公論亟設褥議躋配於 貴鄉道同行孚  
之賢祠以寓欽慕之地幸甚

幼學柳祚永 羅性贊 崔洛源 羅元郁 羅時文

林天鎭 李儒紀 鄭章燦 崔麟國 李患宅

羅壽冕 李是鉉 朴海一 洪泰周 李時芳

柳靜基 金七杓 鄭允浩 李敬斗 李殷哲

沈潤之 金賢修 金在哲等

丁未二月初七日羅州發文

孝 효 자歌가

無무等등山산一일枝지脉맥이孝효子子자峰봉이되야셔라그아래  
뉘집인고山山陰음洞동이村촌名명이다峰봉巒만은秀수麗려하  
고泉천石석도淨정潔결을하야人인傑걸鍾중生생하니地地靈령  
의淑숙氣기라人인王왕全全字字자姓성이요禹우字字자昌창字字자일  
름이다稟자品품도줄거니와世世德덕인들埋매沒몰할가栢백軒  
현先先生生文文孝효公公이所소蒙蒙의名명賢현으로尙尙書書  
는中中祖祖조되고叅參奉奉은近近代대로다갓나서穎穎悟悟오하야  
孝효親친이天天性성이라能능言言하야글을배워小小學學書書  
를通通達達할제그家가勢世도라보니淸淸寒寒이世世業業이라  
봄되에우난평은절로죽기무삼일고가을밭에들닌모게주어오면

親친糧량이다슬프다董동生생이여徵증租조索색錢전어이할고  
 官관수령이포지嚴엄하야老로親친을囚수禁금하내奴노僕복도  
 전혀없어自자請청하야代대囚수하니그나이몇이런고九구歲세  
 童동子자되였으라다官관門문을初초見견커던捷달楚초는무상  
 일고포지情정間간이말들고獄옥門문밖에往왕問문하니눈물흔  
 적전혀없고泰태然然히笑소語어하니孝효子자로다孝효子자로  
 다이아이孝효子자로다國國穀곡도重중커니와大대名명日일을  
 어이하리初초三삼日일로다짐하고獄옥囚수를放방送송하니官  
 관門문에나온後후에省성親친이時시急급하야눈쫓아비올적에  
 날저문대길이멀다挽만留류하니아니듣고사람비러越월천하네  
 二이更경末말三삼更경初초에艱간辛辛이到도家가하니一일실  
 이歡환喜喜하야名명日일을잘쇠겠다親친病병을當當하야서포  
 지誠성으로侍시湯탕하니問문醫의하고問문藥약할재感감天천  
 誠성孝효보아서라無무知지한반딧불은昏昏夜야에引인도하고  
 鬼귀神신이傳전한말이聖성藥약을쓰라하네病병中중의適적口  
 구한것非비時시라어이할고어름위에뛰는거복王왕祥상의鯉이  
 魚어런가文문魚어문저가마귀鳥조中중의曾증子자로다嘗상糞  
 分禱도天천못다하야斷단指지用용血혈하는구나死사病병이回  
 회春춘하니孝효感감일시丁정寧寧하다가그마누라張장夫부人인  
 은天천定정이配배匹필이다本本家가에있을적에親친病병에斷  
 단指지하니恠괴異이하고奇기異이하다年年月월日일이갈단말  
 가孝효夫부집에孝효妻妻되야舅구姑고를奉봉養양하니親친年  
 년은근이高고하고艱간難난은그지없다물기르며발말적에勞노  
 곱고를이를손가孝효子자로다孝효子자로다家가長장孝효子자  
 로다親친喪상을두번만나六육年년居거廬여하는구나靑靑山山  
 에부린눈물墓묘초초도枯고死사하내廬여幕막에깃든제비너조  
 차喪상人인인가거문빛어디두고흰새가되었느뇨侍시墓묘라洞  
 동名명하야隣인리리가傳전稱稱하네平平生생에남은서름孝효  
 養양을못다컷다南남山山の저白백石석은樵초歌가를지어두고  
 北북關關의聖성人인壽수를詩시句구로讚찬祝축하니에부터이  
 른말이以이孝효事사君군則則측忠충이라애달플사이이런孝효子  
 자때를만나立립揚양트면致치침오君군堯요舜순하고使사침오  
 民民堯요舜순하야집마다孝효子자나고사람마다孝효子자되여  
 一일國국이興흥孝효하야三삼代代之지治치하올것을聞문達달  
 을不불求구커든擧거薦薦하리그누일런고孝효名명이절로나니  
 聖성恩은이罔망極극하사이孝효子자孝효婦부를一일體體復  
 복戶호하압시니鄉향隣인이稱칭嘆탄하되爲위子자當當孝효하  
 리로다可가隣隣하다이孝효子자여困困窮궁함도困困窮궁할사

原원憲헌의것은집은上상漏누下하濕습하는구나陋누巷향의一  
 일簞단瓢표는不불改개其기樂락하였다라行행年년六육十십考  
 고終종할세孝효子자家가訓훈다시보소두아들손을잡고申신申  
 신히永영訣결하되人人道도의귀한것이孝효友우밖에또있느냐  
 先先墓묘를守수護호하고香향火화를不불絶絶하면이아비눈을  
 감아遺유恨한이없으리라祠사堂당門문열라하고衣의冠관하야  
 拜배謝사하너듯을다시바로펴고悠유然연히長장逝서하니췌전  
 而이生생췌전而이歸귀에이길은췌전孝효子자라遠원近근上上  
 下하老노少소들이하부음듣고驚경歎탄하되췌전孝효子자  
 죽은後후에다시孝효子자어이불고그아들거동보고孝효子자門  
 문의孝효子자로다兄형이며안이되여듣고본이孝효道도로다斷  
 단指지하고廬여墓묘할재世世業업으로相상傳전하니아름답다  
 췌전氏씨家가에代代代대로孝효子자로다집마다人인子자로되  
 孝효子자되기어렵도다孝효子자되리있건마는이런孝효子자어  
 렵도다十십室실음음작은昌창平정孝효子자도함도할사芬분香  
 향리리曹조孝효子자는生생旌정문문도하여있고山山底저村촌  
 禹우孝효子자는鄉향祠사宇우를하였다다어이하야이世世上상  
 에公公議의도없어던고生生復복戶호死사旌정門문이國국典典  
 의常常事사어늘狀장聞문이體체重重타함은營營門문例예題題  
 쓸대없다久구遠원타勿勿施시함은禮예曹조復복啓계더욱外외  
 大人人心심世世道도이러하니忠충孝효勸권勉면하올소냐내노  
 래한곡조를지어내어볼러보니荆형山산의늪은돌을寶보玉옥인  
 줄어이일리古고곡곡의바린난초켈사람이전혀없다효우하신우  
 리聖성上上찰방을광임하사日日月월같이밝으시니어디아니비  
 칠소냐이노래이事蹟蹟을누라서자시알려聖성上上께登登聞  
 문하야孝효子자褒포揚양하올소냐秋추風풍에다저문날匹匹馬  
 마로지내갈제나무하는저아이야山山陰음村촌이어디매노孝효  
 子자墓묘에찾아올라一一杯배酒주를보어놓고執집玉옥같이빛  
 난尊尊靈영한순위로코저하노라

崢嶸嶸嶸無무等등降강精정神神鍾중出출山山陰음孝효子자人  
 人陋누巷향簞단瓢표顏안氏씨樂낙安안豐풍耕경讀독董동生생  
 賓賓

按此是歌詠吾七世祖考莪谷公孝行者而病於杞宋未詳誰公所  
 贊然辭旨縝密詞氣壯健可喚作衰世頽風切非俗儒繪綴者所可  
 及也今於世稿易紙之日索出斷匪附揭卷未以資後仍之龜鑑  
 莪谷公七世孫會鍾謹識

跋

莪谷遺稿跋

余方孤露日誦蓼莪詩便於何處有此莪谷集來環顧古今天下孰無  
人子之職事其所事也曳白尚悔何其艸年能行老成人之所不能至於石  
龜跳冰谷神指路則章甫累剡 朝家有命先令其內外各復五十卜者  
固是 晟代常典而聞前此太艱似無餘力何暇學問文藻之朴實如斯  
歟噫夫南陔白華既爲逸詩而聖師於經尚存之使天下後世不識其何  
等人何般語而誦得編目亦足起興斯集也於公攸言攸行恍然如模畫  
焉且謝鳳有毛末附若干所述以示永錫其類者尤可爲貴也若夫天理  
孔昭令門戶漸昌性潭宋先生欲酌泉一詩語約而盡矣則復何添畫之  
爲莪谷諱禹昌全君奎煥於公爲來孫而方刊行如右云  
崇禎甲申後二百八十七年秋九月 下休密平朴寅謹述

본자료는 행정안정부와 한국정보화진흥원의 국가DB사업으로 구축된 재산입니다.  
담양군의 공식적인 허가 없이 이 문서의 일부 또는 전체를 복제, 전송, 배포하거나 변경하여  
사용할 수 없습니다.